

# *Ho KHOLISEHA*

## *LE HO TSOTELLA*



Kea leboha, haholo, Moena Parker.

Lumelang, metsoalle. Ho hotle ho ba mona bosiung bona hape. 'Me kea kholoa le khathetse ke ho lula, ho 'mamela. 'Me ke fumane—ke ile ka khathala haholo, ho cha lentsoe, ho cha lentsoe hanyenyane ka lebaka la ho rera ka thata.

<sup>2</sup> Ke sa tsoa bua le Moena Parker mono, le ho 'molella hore ke lumela hore ena kee e 'ngoe ea likopano tse khabane tseo Morena a ntumeletseng ho ba ho tsona ka nako e telele. Ha e-so be kholo, le tseba seo ke se bolelang, empa ha e kholo haholo. Ha ho e-so be le bongata bo e etelang, empa e—e—e boleng ba eona, ebile bo babatsehang. Tumelo, khili, ekare ho ka etsahala ntho efe kapa efe. Ke rata kopano ea mofuta oo moo u utloang feela ho ka etsahala ntho efe neng kapa neng. 'Me ke—ke rata seo. 'Me ke na le bonnete ba hore ho tla ba le liphetho tse tšoarellang,' me li tla iponahatsa.

<sup>3</sup> Ka sebele ke ananela mamello ea lona eohle, ho lula, ho 'mamela ha ke rera lihora tse ngata, 'me ebe ke khutla bosiung bo latelang. Ruri le khona ho mamella kotlo e ngata. Le a bona? Kahoo ke... Kea tseba mamello ea lona e ngata. Kahoo re a...

<sup>4</sup> Ke batla ho bolela, bakeng sa rona bohole, re motlotlo ka lona, ho Moena Thomas eo. Ha ke khone ho hhalosa maikutlo a ka ho Moena Thomas. Eena, ke itse ke a mo tseba, empa ke mo kopantse le motho e mong. Ke tsukutlane ka matsoho le mosali oa hae ea ratehang, ea monyenyane. 'Me ruri ke bahlanka ba Kreste. 'Me ruri ke tsepa hore, ha Molimo a ratile, hore litsela tsa rona li tla teana, makhetlo a mangata hape, bophelong.

<sup>5</sup> Hoja ke ne ke le lona batho, 'me ke phela tikolohong mona, kereke ea hae e ka be e le moo ke tla ea teng. Kahoo ke—kea ba rata, monna ea...

<sup>6</sup> [Moena Parker Thomas o re, "Ha ke batle sitisa Moena Branham tjena, empa ke nahana hore ho tla loka lebakeng lena. Ke mo leboha ka lithooletso tseo le litaba tse monate tseo a li buileng. Ke ipotsitse haeba batho ba mona, le bohole ba tlileng kopanong ena, ke rata hore a khutle hape. Ho thoe'ng ka seo? Bohle ba e batla?" Phutheho e opa liatla—Mohl.] Kea leboha. ["Ha e le hantle, na le ka rata ha khutla ka Phuptjane e tlang le—le ho lula le rona feela? Haeba le etsa joalo, emang ka maoto a lona. Tlong."] Kea leboha. ["Ho lokile. Lulang fatše."]

<sup>7</sup> Ke leboha, haholo. Hoo ho hotle haholo. Kea leboha, Moena Parker. Haholo kea...[Motho e mong u bua le Moena Branham—Mohl.]

<sup>8</sup> O itse litjeho tsohle li lefiloe, le tsohle. Re ananela tšebelisano e ntle ea lona bohole, thuso, hoba, le a tseba, ho a bitsa ho hlophisa likopano tsena. 'Me kahoo tsohle li lefiloe. Ho lokile haholo. Re leboha feela. Tsohle, ka hare le holimo.

<sup>9</sup> Morena o pholositse, o folisitse, 'me ntho e 'ngoe le e 'ngoe e etsahetse, ka hona re thabela ho ba eng...ho bona sena. Ha ke batla ho bona kopano tsena li nyamella historing. Empa e tla hlaha hape ka...Morao koana, nakong e tlang, re tla bona liphetho.

<sup>10</sup> Joale re batla ho leboha motho e mong le e mong hape, ke batla ho etsa joalo, ka limphonyana tseo le nthometseng tsona nakong ena. Ke ananela seo haholo, haholo.

<sup>11</sup> 'Me joale, joale re theohela tlase ho etela Moena Bigbee mane Carolina Boroa, Columbia, Columbus, Carolina Boroa. 'Me re tla ba fihla hosane bosiu le Labobelis bosiu, le Moena Bigbee. Ebe re ea Lebopong la Bophirima.

<sup>12</sup> Ke batla ho le kopa, 'me ebe, ho tloha mono, kea kholoa, hoba re qete letšolo lena holimo mono, Ke batla ho ea Afrika, Australia, New Zealand, le ho feta moo. Na nka qela lithapelot tsala lona, hore Molimo o nthuse? [Phutheho e re, "Amen."—Mohl.] 'Me ke leboha haholo.

<sup>13</sup> 'Me re leboha haholo ka lintho tsohle. Ke bolela seo bakeng sa ka le bakeng sa batho ba leng teng ho tsoa tabernakeleng. Ke na le ba rona...kapa ba bang ba literaseti tsa rona mona, le batikone, le metsoalle e meng ea ka e tsoang tlase mono.

<sup>14</sup> Molisa oa rona o teng mona. Ha ke eso bone Moena Neville. Kea kholoa o tsebisitsoe. Na o entsoe joalo? [Moena Parker o re, "Ee."—Mohl.] Ee. Moena Neville. U kae, Moena Orman. Ha ke bone feela. 'Me, oh, khili! Morao koana, ka boholo joalo feela. Nyolohela mona motsotsotso.

<sup>15</sup> Monna enoa, eo ke mo tsebang e le mosebeletsi oa 'nete oa Kreste. E ne e le Methodise ea takiloeng boea, eaba o amohela Moea o Halalelang. Joale ke Momethodise oa Moea o Halalelang. Enoa ke molisa oa rona ea ratehang.

<sup>16</sup> Ke batla ho u tsukutla ka letsoho, Moena Neville. [Moena Neville o re, "Kea leboha. Molimo a u hlohonolofatse. Ke thabela ho u bona."—Mohl.] Kea leboha. Ho na le litulo...?

<sup>17</sup> Ke tsebile Moena Neville lilemo, le mosali oa hae ea ratehang, e monyenyan, le pele ba nyalana. 'Me lilemo tseo ke mo tsebileng ka tsona, ha a eso fetoh le hanyenyan, feela o nyolohetse ho Molimo ho feta. Ke phetho. Empa o a tšepahala. Re mo rata joale joaloka molisa. O se a qetile lilemo ka mono,

'me re t̄sepa a tla lula ho fihlela Jesu a etla, haeba e le thato ea Morena.

<sup>18</sup> 'Me na u ka rata ho bua lentsoe ho batho, Moena Neville?

<sup>19</sup> [Moena Neville o re, "Be, ke thabetse ho ba mona le monna enoa ea molemo oa Molimo, e bile monyetla ho kopanela le eena lilemong tsena tse leshome. Ha ke tsebe haeba ke fetohile Gehazi e motle, kapa che, empa ke lekile ho jara lere la monna enoa oa Molimo. O feta motoalle ho 'na. E bile ntate Evangeling, kamoo ho etsahetseng, leha ke mo feta ka lilemo tse 'maloa—Mohl.]

<sup>20</sup> [“Empa, koana, ke thabile haholo, hape, ho ba kopanong ena. Ntho e nt̄šoere tlase mona Southern Pines, ke rata sebaka sena hantle. 'Me ke se thabetse haholo. Ke tseba ebile letsoho la Molimo ha ke khonne ho tla mona le ho ba le Moena Branham kopanong ena. Kahoo, ke thabetse ho ba mona haholo, lintho li sebelitse hantle le ka ho babatseha, ha ke khone ho rorisa Morena ka ho lekana, bosius bona, ka sena sohle.]

<sup>21</sup> [“Empa, holim'a tsohle, ke itse, hoba ke fihle mona, ntho e le 'ngoe e totobatsa kopano eohle ho 'na, 'me ke Lentsoe lena la Molimo. Amen. nke ke ka . . . Leha ke sa bone ho folisoa motho, ke sa bone motho a rapella bakuli, feela ha Molimo a tsoela pele ho mpha Lentsoe la Hae, thabo e tlala moea oa ka, 'me e tsoa tlas'ha maoto a ka ho fihla holim'a hlooho ea ka, Lentsoe lena la Morena. 'Me, amen.]

<sup>22</sup> [“Ke thabile haele moo Molimo o hlohonolofalitse hora ena ea mohlanka le moperfeta oa Molimo. 'Me ke utloile Lehlohonolo le theoha ho eena le tla ho 'na, ka hona ke thabetse ho ba mona. Ke a kholoa bohole le utloile ntho e t̄šoanang, litšebeletsong tsena. Ruri Molimo o hlohonolofalitse mohlanka oa Hae tlase mona sebakeng sena. Lebaka leo ke tsebang seo, o e hhalositse nakoana e fetileng. Le lintho tse kholo tse matla tseo re nang le tsona Tumelong, bosius bona!]

<sup>23</sup> [“Ntate, Bibele ea re ruta, ha re hloke lintho tse bonahalang. Sohle seo re se hlokang, ha re rapela, ho lumela, 'me re se re e fumane. Amen. Ke li fumane joale, hoba ke Bibele e bolela joalo. 'Me ke thabetse hoo, hobane Molimo o etsa lintho tse babatsehang ka sena, molisa oa rona, mohlanka le moperfeta oa Molimo, Moena Branham. 'Me a Morena a mo hlohonolofatse ka mehla le ho tsoella ho mo boloka Tseleng ena. Ho rorisoe Morena!”]

Molimo a u hlohonolofatse, Moena Neville, ho tsoa pelong tsa rona tsohle.

<sup>24</sup> Joale, le a tseba, ha u ea pikiniking, ha motho a hlomme sefatjana kae-kae, be, ha u khone, ha u tsebe haeba se sa le teng mono kapa che, le a bona, hoba se hlonngoe feela, se tsetetsoe, kapa ho hong. Empa ha u tseba eike ea khale e lutseng e tsitsitse, u ka nahana hantle ho kena tlasa sefate seo le ho phomola. Ke

Moena Neville, o a tšoana letsatsi le letsatsi, ho tsoelapele hantle feela. Kahoo ke thabetse seo haholo.

<sup>25</sup> Re na le—moena e mong mona, molisa e monyenyan, e 'ngoe ea likereke tsa khaitseli tsa kereke ea rona tlase mono. Haeba a sa nyolohe, ke mo kopa ho ema, Moena Junior Jackson, Momethodise e mong ea tlatsitsoeng ka Moea o Halalelang. Junior Jackson, u hokae? Moena Junior Jackson, Momethodise, ea tlatsitsoeng ka Moea o Halalelang. Ke enoa mona, hantle *mona*, Moena Jackson. U batla ho bua se seng, kapa eng eo u batlang ho e bua? Ho lokile.

<sup>26</sup> E mong mona ke Moena Palmer, e mong oa baena ba rona mona. Na u ka ema feela, Moena Palmer? Molisa ea tsoang tlase Macon, Georgia, ke e mong oa metsoalle ea rona.

<sup>27</sup> 'Me Moena Fred Sothmann, ke a tseba o teng mona. Ke e mong oa literaseti tsa rona kerekeng. U hokae, Fred? Kae-kae ka mona, o lutse morao ka morao.

<sup>28</sup> Moena Banks Wood, u hokae, Moena Banks? Ke e mong oa bahlokomeli ba rona ba bang, *mona*.

<sup>29</sup> Moena Banks e ne e le Paki ea Jehova, le a tseba. 'Me a kena kopanong, 'me a na le moshanyana a holofetse, David, leoto la hae le honyelitsoe, ke pholio. 'Me ke ne ke le kopanong ea tente, 'me o ne a bone... O ne a le mono—mono Dallas, bosiu... kapa, Houston, mohla Moea o Halalelang o theohang ka sebopheho seo sa Leseli leo, 'me ba Le katlatsa setšoantšo. Moena Wood o ne a le teng. Kahoo, ke ne ke sa mo tsebe mehleng eo. 'Me chelete ea hae e ne e lekaneng le hona. Ke rakonteraka. A nyolohela kopanong e latelang. Ka ea mose ho maoatle, ho tloha moo, 'me ka ea kopanong e latelang. A e-na le moshanyana oa hae ea holofetseng, le pholio. 'Me ha re ntse re... Ke ne ke eme mono tlas'a tlolo ea Moea o Halalelang, ho khutla ho haola hara letšoile, ho bua le eena. Ho 'molella tsohle ka eona. A bolelloa ho ema.

<sup>30</sup> Davida, u hokae? Na u teng, bosiung bona? Ee. Moshanyana ea neng a holofetse, ke eena. Davida, haeba batho ba sa lumele Molimo o ka folisa monna oa leoto le sothiloeng ke pholio, le lintho tse joalo, ekare u ka tsoela mono, motsotso feela, ho ba bontša kamoo u khonang ho tsamaea. Ee. Ee. Mona, ha se feela ho etsa imponeng, empa bopaki feela. Mono, le a bona, ebole ha a hlotse kapa ha ho letho le sele, le tloaelehileng ka ho phethahala. Le a bona? Ke ntho e hlileng, e makatsang ruri, seo Morena oa rona a ka se etsang. Joale, ha A ka mo etsetsa seo, khele, O tla e etsetsa e mong. Le a bona? Ka hona, ehlile, ke ha feela re ka fumana tumelo ea mofuta oo.

<sup>31</sup> Joale, ehlile, kaofela ha lona le tseba, ho tseba Moena Ben tlase mona. O feela... le a tseba, monna enoa eo u ka mo utloang holim'a bohole, a re, "Amen." Ke tla le bolella hanyenyane. Ha ke batle ho bua sena holim'a hae; mosali oa hae ea lutseng mono.

Bohle re rata Ben. 'Me e ne e le pele a nyala. Ke ne ke le kantle Lebopong la Bophirima. 'Me moshanyana eo o tsoa boroa ba Indiana.

<sup>32</sup> Ke le kantle mono Lebopong la Bophirima, ke rera feela, holimo bosiung bo bong, Phula ea San Fernando, phula, le batho ba Baptise, tente e kholo e tletseng batho. Joale, ke batho ba batlang ba tšekehile, u a tseba. 'Me ke ne ke hlile ke rera. Ka kotloloho ka ka utloa seboko; ho sisnyeha moriri o motšo, joalo ka—joalo ka—joalo ka—joalo ka motho oa Mexico; maoto a mabeli a maholo a lhalile moeeng; matsoho a hae a le *joalo*. Ka ema. Ka re, "Ben, u fihlile joang mona le ka mohla?" Ke eo moo a neng a le teng.

<sup>33</sup> Molimo a u hlohonolofatse, Ben. U ka ema feela, ema feela, uena le mosali oa hau. Re rata feela ha batho ba . . . Moena Ben, ke eena esale a hlabu "li-amene" tsohle tlase mona hukung *ena* mona. Molimo a u hlohonolofatse. [Moena Ben Bryant o re, "Ke kopa lithapelo tsa hau tsohle. Re tšepeile ho khutlela tšimong ea boromuo, e se khale haholo, ho kena lithabeng, Moena Branham."—Mohl.] Amen. Molimo a u hlohonolofatse.

<sup>34</sup> Moena Way, moromuo a mong, o ntse a leka ho kena masimong a boromuo. O na le rona, bosiung bona. Rea mo tseba. E se e le nako a jakile le rona tseleng. U hokae, Moena Way? U teng kopanong? Hantle *mona*, le mosali oa hae. 'Me joale, ke a le bolella, ntoa e lipakeng tsa Engelane le Norway e letse. Ke Lenyesemane, 'me mosali ke mo-Norwegian. E letse. Batho ba ratehang. E, monghali. Ntoa e letse.

<sup>35</sup> Moena Boze o ne a theohile, bosiung bo bong, a bontša senepe sa hae, 'me a re, "Oh, be," a re, "mosali ke meo . . ." Ke Khaitseli Sothmann eo. 'Me ekare a ka ema, le Fred, ka mona kae-kae. Batho ba ratehang. 'Me tšali ke mo-Norwegian. Ehlile, Moena Boze ke a—ke oa mo-Sweden. 'Me a re, "Hum! Hum!" Le tseba kamoo Josefa a ikutloang kateng. Ho re, "Ho na le mofumahali mona, khaitseli," a re, "ke mo-Norwegian." Ho re, "Ehlile, haeba u ke ke oa ba mo-Swede, ho molemo ho ba mo-Norwegian."

<sup>36</sup> A tsoela ka ntle, a ncheba. 'Me ka re, "Ehlile, Joseph, ho hobe haholo ha bohle e ke ke ea e-ba ma-Irish, banna ba ma-Irish." Kahoo bohle re na le mokhoa oa ho qabola tlase mono.

<sup>37</sup> Moena Higginbotham, u hokae? Kae-kae mona, be, monna e mong oa morapeli ho tsoa tlase tseleng ea rona. E mong eo e neng e le teraseti ea kereke tlase mono, lilemo le lilemo. 'Me motsoalle oa hae, Khaitseli Arganbright, Khaitseli Ruth Arganbright, hantle mona. Ke a kholoa o lutse ka ntle mona lipoakeng tsa litulo. Ema. Ba bakae ba tsebang Minor Arganbright? E mong oa batlatsa-lipresidente ba Borakhoebo ba Full Gospel, motsoala oa hae.

<sup>38</sup> Oh, khili! Haeba nka tlola e mong oa lōna batho! Ke, ke motlotlo ka lona, e mong le e mong. Ke thabela haele moo le nyolohile ho ba le rona mona. Ha re tsebe, ho kena le ho tsoa.

<sup>39</sup> Moena le Khaitseli Dauch ba lutseng mono, le bona, le Khaitseli Brown, Moena Brown.

<sup>40</sup> Moena McKinney, moreri e mong oa Methodise ea nang le Moea o Halalelang. U kae, Moena McKinney? U ho kae, kae-kae mona? O tsoa holimo Ohio. *Mona*, morao koana mona, e mong ea tletseng ka botlalo, ea tsoetsoeng Lentsoeng lena, Methodise e hlokotsoeng. Ke hantle. Joale, kolobetso ea Moea o Halalelang, e tsoelapele ho Molimo.

<sup>41</sup> Pat Tyler, motsoalle e mong oa ka e moholo ea lutseng mona. Moena Pat, ema. Bohle le tseba Pat Tyler. Kea leboha, Moena Pat. Molimo a u hlohonolofatse. E ne e le kabeloa-manong, rasethunya, 'molai. Molimo oa mo pholosa oa etsa mohalaleli. Ho hahlaula naha bopphara, ho sala likopano le lintho morao.

<sup>42</sup> Le tseba seo ke se nahanaang ka batho bana, moo ba tsoang teng? Ke nahana ka Baheberu, khaolo ea 11, "Ba ne ba khaoloa likoto, ba lelera ba apere matlalo a lipoli le a linku, bao lefatše le sa ba tšoanelang." Bohle ba fana ka bopaki ba bona.

<sup>43</sup> Tom Simpson, Tom u hokae? Na u tlide? Ke itse ke bone koloi ea hae ka ntle mona. Eena le lelapa la hae, ke itse o ne a le teng mona. Ekaba ke ne ke fositse. Ee. Ho tlolela holimo-le-tlase joaloka thapo ea ho tšoasa litlhapi ka ntle mono, "bump-bump," joalo. Ho lokile.

<sup>44</sup> Morena a le hlohonolofatse bohle. Re thabetse ho ba mona. Ba bang ke bana ba tsoa Georgia, libakeng tse fapaneng. 'Me re thabetse ha le le mona bohle, le ho kopana, le metsoalle ea rona ea khale.

<sup>45</sup> Na ke shebile Khaitseli Peckinpaugh ho tsoa Chicago? Ke itse ho joalo. Le Khaitseli e Little, le pela hae, le—le Khaitseli D'Amico, batho ba ratehang, ba khabane ba Chicago, sehlopha seo sa basali bao esale se rateha haholo ho 'na.

<sup>46</sup> Le ba bang ba lutseng mona. Moena, lebitso la hae le nkhaka, ho tsoa tlase Georgia kae-kae. Ke . . . Bao bohle, oh, khili, ekare ba khomaretse feela mona. Re thabela ho ba kopanong ena.

<sup>47</sup> Moena Bosworth oa khale o ne a tloaetse ho mpolella, a re, "Moena Branham, u a tseba botsoalle ke eng?"

Ka re, "Ke hopola joalo."

<sup>48</sup> A re, "Ke batho ba babeli ka sekepeng se le seng." Ka hona ke rona bao, empa re kenela botsoalle. Morena a le hauhele.

<sup>49</sup> Kea leboha ka sohle seo le se entseng. 'Me ke tla ngola e 'ngoe ea tsena, kopano ena, lenaneng la ka, e le le leng la matšoao a makhubelu a matsatsi a bosebeletsi ba ka, ka tšebelisano ea lona e ntle, baena bana ba khabane le likhaitseli, 'me kamohelo

ea bohole e le mofuthu. Ho ikutloa ke le hae feela, ka ba ka rera hofihlela ke chele lentsoe.

<sup>50</sup> Joale, Moena Ned Iverson o tla ntšeletsa litšebeletso ka mora ka, tlase koana—koana Columbia, tlase le Moena Bigbee. Moena Ned, na u teng, bosiung bona? Ha ke tsebe hore na . . . E, morao ka morao. Mopresbeteriene, ea tlatsitsoeng ka Moea o Halalelang. Uh-huh.

<sup>51</sup> 'Me Ngk. Lee Vayle le mosali oa hae, metsoalle e bohlokoa, baratuo ba ka. Moena Vayle o sebelitse le 'na kopianong, motsoalle ea ratehang. Kea kholoa banna bana bohole ba tsebisitsoe le lintho. Na u teng, Moena Vayle? Na u ka mohahong, bosiung bona? Morao ka morao. Morena a u hlohonolofatse. Khaitseli Vayle, u hokae? Ha kea khona le ho tsokoletsatsoho feela. Molimo a u hlohonolofatse, khaitseli. Re thabile haholo ho ba le bona kaofela mona.

<sup>52</sup> 'Me kaofela le nthapelle joale. 'Me ke tsoelapele ka tumelo, kea lumela, nako le nako, re ka bona ho Tla ha Morena. Ha ke tsebe joang, neng, kae, empa ke batla ke be itokisitse mohla A tlang. 'Me ka linako tse ling nka e hopola e le tsela *ena*, 'me ekaba ka tsela e '*ngoe*. Empa, koana, ke batla ho ba teng mohla A tlang. Ke batla ho tsamaea le Eena. Joale, eo ke tabatabelo ea ka. 'Me ha ke batle ho ea feela, ke batla metsoalle ea ka eohle, 'me ke batla hore lira tsa katsohle li ee, le tsona. Ke batla bohole ba tsamaye.

<sup>53</sup> Kefumane pononyana, kapa, ha ke batle ho e bitsa phetolelo. Ha ke eso fumane pono e kang eo. Ke ne ke eme holimo mono ke e shebile, ka hetla morao, mona haufinyane. Bongata ba lona le e bala limakasineng le linthong. Metsoalle, uena—uena u ke oa khona ho e fosa. Feel a se ke oa e etsa.

<sup>54</sup> Joale, nqalo e teng kae-kae mono. Ke ne ke le mono feela joalokaha ke le mona, ka hetla morao. Ke fumane lipono. Ke tseba seo lipono li leng sona. Haeba e ne e le pono, e ne e le e makatsang ka ho fetisisa eo nkileng ka e bona. 'Me ke bone batho, ba seng ba iketse. Ke ba bone mono. Ba baholo e ne e le bacha. 'Me ba ne ba eme mono, batho ba joalo ka 'na, feela ba se na sebe. E ne e le ka nqane ho phetheho. Tlokomang! Uena—u ne u ke ke oa bolela seo e neng e le sona.

<sup>55</sup> 'Me hoba ke tsebe hore ke lokela ho khutlela morao, ntho e le '*ngoe* feela, eona, ke ne ke tla khutla, ho leka ho qophella batho. U ka etsang, u se ke ua e fosa. U se e fose. U se e fose. U ke ke ua khona ho e fosa. Ntho e '*ngoe* le e '*ngoe* e sele, lesa ntho e '*ngoe* le e '*ngoe* e tsamaye, empa itokisetse seo, le a bona, eng eo u e etsang.

<sup>56</sup> Ke tla ea masimong a boromuoia joale, ha Morena a ratile, mariheng ana, ha ke khutla maetong ana, le lule thapeleng bakeng sa ka. Hobane, mona ho bonolo, hang ka nako u bona moea o litšila o kena kopianong 'me o leka ho tšoenya. Empa libakeng tseo, ke lingaka le liabolosi. U mpe u tsebe seo u buang

ka sona. Ehlide ho bile joalo. Hoba, ao ke matemona, 'me a tla u phephetsa hantle. Empa, oh, joang, ha ho mohla... Ke e bua ka letsoho la ka mona Bibeleng ea ka. Ha ho lekhetlo, 'me lea tseba le ka inahanelo makhetlo ao ke qhololitsoeng lefatšeng ka bophara, empa Molimo oa hata temeng 'me oa hahola masela, 'me oa Iponahatsa, Molimo, joalo feela kaha O entse nakong ea Elia. E sa le Molimo. Ee. Ha ho le lekhetlo. Ke ka lebaka leo ke...

<sup>57</sup> Ba bang ba lona, balisa ba bang, lea tla le nkpa ho tla libakeng tsa bona. Ke ema ho fihlela ke ikutloa ke tataisetsoa ho tsamaea. Ebe ha ke fihla, ke tla ka lebitso la ka feela, ha ke tla joalo, ho ba motsoalle oa hau feela. Empa ha ke utloa ke etelloa pele ho tla, joale nka tla ka Lebitso la Morena Jesu. Ha u theoha sefofane seo, ke sa ka. Amen. Ke se nka kaofela, ka Lebitso la Jesu Kreste. Ke moo u tlang ho kopana le Eena ka ntle mono, hoba u le lenqosa la Molimo ka nako eo. Empa joale, ha kerek e u romela, kapa, motsoalle a u bitsa, ntho e 'ngoe, u ea feela, ke boiqallo ba hau feela. Khele, boiqallo! Kea kholoa le khathetse ke ho utloa seo.

<sup>58</sup> Joale ha re phetleng Bibebe ea khale e mohau. 'Me pele re etsa hoo, ha re rapeleng. Le a bona, re a bua, le—le joalo—joalo, 'me joale ha re tsepamiseng likelello tsa rona ho Eena joale metsotsong e 'maloa e latelang.

<sup>59</sup> Ntate oa rona ea Maholimong, re ne re leboha batho ka mosa oa bona, le boholo ba bona, maikutlo a seatla se bulehileng ho rona, le kamoo re a ananelang kateng. 'Me joale, Ntate, re batla ho U leboha, holima tsohle, hoba ke Uena, Morena, ea entseng sena. Ke Uena ea re hlohonolofalitseng 'me ua re lumella ho lula 'moho libakeng tsa Leholimo ka ho Kreste. Satane a ka be a ferekantse 'me—'me a senya kopano ea rona. Empa U re ratile hantle hakana, ho fihlela U re lumella bohle ho phutheha 'moho 'me re be le kopano ho pota Lentsoe. 'Me re e ananela haholo, Molimo. Leha koana lensoe le chesitsoe ke khatello, Morena, ke bile le nako e monate hakana, ke utloa Moea ua Hau u hlohonolofatsa moea oa ka. Lentsoe, feela ho se batle letho, haese ho phalla joaloka linoka, ho fihlela ke lokela ho lula fatše. Molimo, ke leboha haholo ka seo.

<sup>60</sup> 'Me a Moena Parker oa rona, le basebetsi bohle ba hae, le sebaka sena se re memileng, Morena, ba hlohonolofatsoe. Ba fe likete tsa mee. Utloa, ha ba rapella bakuli. Utloa lithapelo tsa bona, Morena, le ho folisa bakuli. 'Me ha ba leka ho etsa se seng ka Lebitso la Hau, se hlomphe, Morena. Ba fe tholoana ea Moea. 'Me le... Le ho ba neha takatso e kholo ea pelo tsa bona, Morena, meeakeng sa moputso oa bona. E se eka, Tsatsing leo mohla re emang mono pela Hau, meeakeng e ke e tsoe hohle, e kopela monna enoa ea bohlokoal le moifo oa hae ka matsoho, ea tšabang molimo le moifo o hae, "Hoja oa se ke oa lula tšimong, Moena Parker, re ka be re se mona." Oho Molimo, re a tsebaeo ke takatso ea 'nete ea mohlanka ofe kapa ofe oa 'nete oa Kreste, ho tseba hore ba

ka tataisetsa batho ba futsanehileng, ba lahlehileng ho Kreste ea pholosang. Ke U leboha ka tsohle.

<sup>61</sup> 'Me joale, Morena, re a rapela joale hore U tle u hlohonolofatse e mong le e mong. 'Me hlohonolofatsa likopano tse tlang, hohle. Tsamaea le lehae le leng le leng. Eba le bona ha re tloha, bosiung bona, ho ea malapeng a rona a fapaneng. Eba le rona tseleng. Lula holima lebili. Tlosa sera ho rona, Morena. 'Me ke rapela hore U tla fana ka lintho tsena.

<sup>62</sup> Joale re fe takatso ea lipelo tsa rona, kopo e 'ngoe le e 'ngoe, bosiung bona. 'Me ea ka, Morena, ke hore U tla boela u re ngoathela Bohobe ba Bophelo, bosiung bona. Ba sa bolokehang ba teng mona, ba boloke. Mang ea hlokang Moea o Halalelang kolobetsong, U ke u tle bosiung bona. Motho ofe ea kulang; ba folise. Mang ea khathetseng; ba fe thabo. Aba sena, Morena. Hlohonolofatsa Lentsoe la Hau joale re sa Le bala, 'me a Mongoli a re fe moelelo. Re kopa Lebitsong la Jesu. Amen.

<sup>63</sup> Santa Johanne, khaolo ea 1, 35 ho fihla ho 41, ke rata ho bala Mantsoe ana a bohlokoaa.

*Hape ka hosasane Jesu a ema, a ena le barutuo ba hae ba babeli; . . . (Ntšoareleng.) . . . ka morao Johanne o ne a eme, le barutuo ba hae ba babeli;*

*A talima Jesu ha a tsamaya, a re, Bonang Konyana ea Molimo!*

*'Me barutuo ba babeli, ba mo utloa a bua, 'me ba latela Jesu.*

*Jesu a reteleha, a ba bona ba latela, a re ho bona, Le batla'ng? Ba re ho eena, Rabbi, (ke ho re, ha ho fetoloa, Moruti), o lula kae?*

*A re ho bona, Tloong le bone. 'Me ba tla ba bona moo a lulang teng, 'me ba hlola le eena tsatsi leo, hobane e ne e ka ba hora ea leshome.*

*E mong oa ba babeli ba utloileng Jesu kapa . . . Johanne a bua, a mo latela, e ne e le Andrease, ngoan'abo Simone Petrose.*

*A qala ka ho fumana Simone, ngoan'abo, 'me a re ho eena, Re fumane Messia, ke ho re, Kreste, ha ho fetoloa.*

*'Me a mo tlisa ho Jesu. 'Me ha Jesu a 'mona, a re, U Simone, mora Jona: u tla bitsoa Kefase, ke ho re, Lejoe, ha ho fetoloa.*

<sup>64</sup> Joale Molimo a ke a ekeletse mahlohonolo a Hae Lentsoeng lena. Joale, ke batla ho taka, bosiung bona, ha Morena a ratile, hanyenyane, bakeng sa e—e lentsoe, mantsoe a mabeli ao ke batlang ho a sebelisa ho tsoa moo. Mantsoe a mabeli ao ke batlang ho a sebelisa ke "tsotella" le "kholiseha."

<sup>65</sup> Joale, joaloka ha re tseba, 'me bohle re etsa joalo, hore joale re bona ho phola ho hoholo, lichaba ka bophara. Ke qalile pele, mekhabo e ne e le mengata kopanong. Batho ba ne ba le likopanong tsa thapelo, hohle. Ba nyatsuoa, lipampiri li ile tsa nnyefola. Mosali e mong a khanna limaele tse likete tse tharo ka tekesi, ho fihla feela kopanong Canada. Ha ba sa ngongoreha joalo. Ho bonahala koeneho. 'Me ho ngongoreha ho bonahala ho timille, ha ho sa le hongata, le hona, litaba ha lia ema kamoo li loketseng. Ho ngogngoreha ho fokola haholo.

<sup>66</sup> Joale, ngongoreho eo re batlang re na le eona, ha se likopano tsa bosiu bohle. Mehengl, ke—nkile ka lula kalaneng matsatsi le masiu a robeli, ke sa tlohe, ke leka ho rapella batho bohle. 'Me qetellong, ho be le batho ba likete tse mashome a mane a metso e 'meli ba emetseng ho rapelloa. Le a bona? E ke ke ea khonahala. Empa ba ne ba nka sehlopha ka nqa *ena*, 'me ba kene morung; ba nka sehlopha ka nqa *ena*, ba ee morung; balisa ba rapella batho ho fihlela kolobetso ea Moea o Halalelang. Ba sa khone ho phomola ho fihlela ba fumana Moea o Halalelang.

<sup>67</sup> Ke kōpa tšoarello. Ke itse likete tse mashome a mane a metso e 'meli. Kea kholoa, u ka sheba makasineng, e le likete tse mashome a mabeli a metso e robeli, e ne e le tsona, li ntse li letile. Limaele ho pota Jonesburg, ho se na sebaka seo u ka se hirang. Le metse ea litente holimo, le tsohle. Ha ba sa ngongoreha joalo. Le a bona? Mello ea tsoselsetso e ntse e tima.

<sup>68</sup> Ho ngongoreha, hona joale, "Tloo feela u ikopanye le kereke." Kapa, ngongoreho e kholo, "Tšehtsa morero o itseng oa seea-le-moea, kapa taba e itseng ea thelevishene, le ho e etsa lenaneo la mofuta o itseng," 'me ke bakeng sa—bakeng sa molemo, ehlile bo, ehlile. Meaho e meholo, e ahang likolo tse kholo, joalo—joalo, joalo. Ho bonahala e le eona e—e ngongoreho joale. Pono ea thapelo e batla e lahlehile le khatello, le joaloka ha ba ne ba tloaetse. Ho na le se etsahetseng. Ke batla feela ho tseba hore na e ne e le eng. 'Me joale ha ba bonahale ba ngongorehile ka eona.

<sup>69</sup> U ka etela kereke *ena*, kapa oa bitsa batho ho tla aletareng, 'me mehleng ba ne ba mathela aletareng feela. 'Me ke bone mohla ke ntseng ke rera, le pele ke qeta theroy ea ka, aletare le holimo—tlase liphaseje li ne li shatamane batho. Ke bone mohla Moea o Halalelang o tsoang ho kena hara letšoelie, le—le ho lepa le ho bolella motho taba, 'me batho ba makale 'me ba idibane hantle feela litulong tsa bona.

Ho na le ntho e phoso kae—kae.

<sup>70</sup> Ho sa ntse ho etsoa ntho e tšoanang. E ntse e le eona Evangelii. Ha ke eso fetohe le hanyenyane ho tloha ha ke qala. Ke qalile feela ka Lentsoe la Molimo le hlobotseng, 'me ka lula hantle ho Lona, ho tloha mohlang oo. Lilemo tse mashome a mararo a metso e 'meli ke eme ka mor'a pulepiti, le ho se khutlise letho

kapa ho fetola letho; ho e bolela feela kamoo ke qalileng kateng. Nke ke ka e khutlisa. Ke Lentsoe la Molimo. 'Me—'me haeba ke E bua joaloka ha E boletsoe *mona*, khetlo le latelang ke tlameha ho bua ntho e tšoanang, hoba E ngotsoe joalo *mona*. Le a bona? Ka hona, feela nke ke ka etsa letho le sele ka Lona. 'Me Moea o Halalelang o sa ntse o etsa ntho eona eo.

<sup>71</sup> Kahoo, empa ho bonahala ngongoreho e sa lekana. Joale ke... ho ipotsa hobane'ng, hobane'ng ho se ngongoreho e kileng ea ba teng? Ke, ke lumela lebaka la khaello ea ngongoreho joaloka mehleng, ha baa kholiseha joaloka mehleng. U tlameha ho kholiseha pele u ka tsotella.

<sup>72</sup> Ha u sa kholiseha, ho ipha nako joale, sebakeng sa ho bolela evangeli le ho leka ho etsa ho hong, motho e mong le e mong o batla sekolo se seholo, kapa ntho e kholo eo a ka e rutang, le—le ho etsa ho hlomella bareri ka mekhoa e betere ea sefala le joalo-joalo.

<sup>73</sup> Le tseba seo ke se lumelang? Ke lumela batho ba sa kholiseha hore Jesu o tla kapele. Ha ke lumela ba kholisehile hore O tla mongoaheng ona. 'Me ke lumela e le lona lebaka le etsang hore ba se tsotelle, hobane ha ba a kholiseha ka botlalo. Ho lokile. Ha ba na kholiseha hore O na le bona. Hola ba ne ba le joalo, ba ne ba tla khutlala Lentsoeng. Ke hantle. 'Me joale batho ba bangata ba ka e utloisisa ka phoso.

<sup>74</sup> Lerato, lerato ke—ke taeo. U lokela ho khalemela batho, haeba u ba rata. Hola ngoanana oa hau a ne a lutse kantle tseleng, joaloka ha ke boletse hoseng hona, a bopa likuku tsa seretse; haeba u hlile u mo rata, u tla mo tlosa tseleng eo.

<sup>75</sup> Ho ka thoe'ng haeba mosali oa hau a itse... John *Motho*, hore lebitso la hau ke lefe, u a tseba, u mo lumelletse ho tsoa le monna e mong, hobane u itse, "Ho hlohonolofatsoe peloana ea hae! O batla ho e etsa. 'Me ke mo rata haholo, ke tla mo lumella ho e etsa." U tla be u le boitatolo bo fokolang ba monna. U lokela ho u lahla, 'me a fumana motho ea mo ratang, ea tla mo hlokomela. Ke ne ke sa e bolele joalo, hoba u ke ke oa khona ho etsa hoo.

<sup>76</sup> Empa ke leka ho finyella eng? Ke sena, sane, ho ka thoeng hola Molimo o itse ho Eva, "Eva oa batho. Ua tseba, u ngoana oa Ka. Ke—ke—ke... U ne u sa ikemisetsa ho etsa joalo"? Ehlide, o ne a sa ikemisetsa ho e etsa. Ruri, ha aa etsa. Empa o e entse. 'Me re a tseba o e entse. Re bona liphetho tsa eona hajoale. Empa, u a bona, O—O mo ratile, 'me O—O ne a loketse ho boloka Lentsoe la Hae ho eena.

<sup>77</sup> 'Me Molimo o tlamehile ho boloka Lentsoe la Oona ho rona, ka hona re tlameha ho mamela Lentsoe la Hae. 'Me ha re utloa Lentsoe la Hae, 'me re 'Mona joale a tiisa seo A boletseng A tla se etsa, ke moo re kholisehileng, hantle, hore Lentsoe le nepahetse. Joale, ha re fumana, re tlisa....

<sup>78</sup> Ha se khale mona, moevangeli enoa e moholo ho Mohammedan, le e balile pampiring, joaloka ha ke entse. Mohammeda enoa o ile a phephetsa moevangeli eo, ho re, "Jesu Kreste e ne e le borapeli ba motho; hore batho ba ne ba latela monna." O lumetse oona Molimo oo moevangeli a u lumetseng, empa a re, "Jesu ha se Mora oa Hae. E mpa e le borapeli bo entsoeng ke motho." 'Me moevan- . . . A phephetsa moevangeli, a re, "Eona—eona Bibele e boletse hore mesebetsi eo A e entseng, Kreste, balateli ba Hae ba tla e etsa." A re, "Joale, ke tla tlisa batho ba mashome a mararo ba kulang, 'me u tlise batho ba mashome a mararo ba kulang, 'me ke tla folisa e mong le e mong oa bona." Le a bona? 'Me moevangeli a matha. A phunya moea.

<sup>79</sup> 'Me hola ke ne ke le moevangeli, ke a lumela, hola ke se na tumelo e lekaneng ho e etsa, Nke ke ka lumella mosalumele eo ho ema mono. Nka be ke itse, "Ke a tseba motho e mong liemong tsa rona ea nang le tumelo ho e etsa."

<sup>80</sup> Hobaneng? U lokela ho kholiseha, pele, hore ke Molimo, ke moo u tsebang moo u emeng. Ke 'nene. Ho kholiseha, pele, ebe u a tsotella. Leha batho ba bolela hore Molimo o na le bona, empa ba . . . Ha se bohole . . . 'Mè o ne a atisa ho re, "Liketso li bua ho feta mantsoe." Ka sebele, ho joalo. U tlameha ho e etsa, ho e lumela, ho kholiseha, 'me u tla tsotella.

<sup>81</sup> Jesu o itse, "Ha u Nthata, fepa linku tsa Ka." Joale, ke hona moo ke nahanang re hlolehole haholo, ke ho fepa linku tsa Hae. "Ha u Nthata, fepa linku tsa Ka." Kajeno, e batla e le, "Beola linku tsa ka." Ba hlahlele sebakeng u nke tsohle tseo ba nang le tsona, 'me ba nehele mahae a bona, le lipenshene tsohle tsa bona tsa boqheku, le ntho e 'ngoe le e 'ngoe. Ho bua ka ho kuta! Jesu ha eso rialo.

Moena Parker o itse, hoseng hona, "Molimo o rata batho ba Hae."

<sup>82</sup> O rata linku tsa Hae. A re, "Li fepa." 'Me linku li lokela ho fumana Lijo tsa linku. 'Me ha A re, "Ruta linku tsa Ka." O itse, "Li fepe," e seng ho li ruta. "Li fepe. Li fe Lijo tsa nku."

<sup>83</sup> Lijo tsa linku ke eng? Bohobe ba Bophelo. Jesu ke Bohobe ba Bophelo, Evangelie, 'Nete. Le Bolele ntle le ho qekisa. Joale u a tseba ha u tlameha ho arabela meeaa ea bona ka Letsatsi la Kahlolo, joaloka mosebeletsi oa Evangelie le ho re, "Ke se neng se ngoliloe Lentsoeng." "Li fepe 'Nete. Fepa linku tsa Ka."

<sup>84</sup> Mohla Johanne a neng a tsotella hakana, hoo a bileng a tseba hoba Messia o tla tla mongoaheng oa hae. Johanne Mokolobetsi o e tsebile, ka hona o tsebile hore Messia o tla tla mongoaheng oo a neng a phela ho oona. Empa ha a etsoa lefelleng, ha a qala likolo. Ha ho mohla a kileng a qala likoleche. Ha a qala mekhatlo ea letho. Hobaneng? O ne a kholisehile hore Mesia o tla tla nakong ea hae. Lijo tsa Hae, Molaetsa oa hae, ketso ea hae, li e pakile.

<sup>85</sup> 'Me re lumela hore O Tla mongoaheng ona. Hobane'ng ha re batla ho bokella ntho e kholo? Hobaneng re ka batla ho etsa, ho aha limilione tsa lidolara likolong le meahong, re nt oo re Jesu o a tla? Khele, sechaba se tseba betere ho feta moo. Baa tseba hore u bua ka ntho eo u sa e lumeleng. Ho hlakisa seo re se rutang. Ho lokile. Joale re lokela ho etsa seo.

<sup>86</sup> Johanne o ne a le posetifi. Mohla a neng a tsoaloa, o tsebile hore o tsoetsoe tsoalo e makatsang.

<sup>87</sup> Bohle re tseba kamoo Zakaria a boneng Lengeloi. E tlamehile ebe ebole khatello ho banyalani bana ba khale. Sakaria e ne e le leqheku, 'me Elisabetha e ne e le mosali ea seng a tsofetse, empa ba ne ba lumetse hore—hore ka tsatsi le leng Molimo o tla ba fa lesea. E ne e le nyopa. 'Me re a tseba mohla Johanne a neng a tsoaloa, tsoalo e ikhethileng, le ho tseba hobane e tla ba mohlanka oa Molimo, e tlameha ebe ebole thata ho banyalani bana ba hölileng. Hoba ba a tseba, ho latela nako ea bophelo, ba ke ke ba phela ho bona moshanyana eo a kena tšebetsong ea hae.

<sup>88</sup> 'Me ntat'a Johanne e ne e le moprista. Empa sebakeng sa hae, ka pitso eo, ho theohela seminaring moo ntatae a tsoileng teng, a ke ke a theohela mono. A ke ke a nka monyetla oo ka eona. A ke ke a itsoaka le eona feela. Hobane, o bone seo, Lengolong, o ne a loketse ho ba, "lentsoe la ea hooang lefeelleng." O bone hore e tla ba tla, "Lenqosa le neng le tla etella Messia pele." 'Me o lokela ho ba le bonneta ka eona. 'Me a ema lefeelleng ho fihlela a kholisehile, 'me eaba o a tsotella. O ne a kholisehile. O ne a batla ho—o ne a batla ho lula. O ne a kholisehile hore o tla bona Jesu, a ba a bolela sena, "Ke Eo, O eme har'a lona joale. E mong o eme har'a lona, Eo le sa mo tsebeng." Oh, ke rata seo!

<sup>89</sup> E Mong har'a rona, bosiusng bona, empa ke thabetse ha re Mo tseba. 'Me ke lumela hore ke Eena ea ntseng a paka. Moea o Halalelang o moholo o paka hore Jesu o tla kapele, hoba ho ea ka Lentsoe, le lipontšo tsohle li a phethahala. Re nakong ea bofelo.

<sup>90</sup> O ne a sa batle ho bolela tsa Hae, ho etsa phoso efe, kahoo a lula lefeelleng ho fihlela a kholisehile hore o tla tseba seo Messia a neng a le sona. 'Me Molimo oa 'molella ho sheba pontšo eo mofuta ofe, mohla a bonang Messia. Eareha a 'Mona, le ho bona pontšo e neng e loketse ho Mo latela, a kholiseha hore e ne e le Eena. A re, "Ke paka hore ke Eena." Hobane, Molimo, Ea neng a 'moleletse, 'me a 'molela pele ka moporofeta, lilemo tse makholo a supileng le leshome le metso e 'meli pele a tsoaloa, "E ne e le lentsoe la ea hoang lefeelleng, 'Lokisang tsela ea Morena, le latse tselana ea Hae.'" 'Me Molimo ea neng a mo khethile pele, 'me oa mo rerela mosebetsi pele, a emela Molimo oo ho fihlela a utloa ho Molimo oo. Amen. Ha Molimo oo o 'molella se neng se tla etsahala, o ne a kholisehile. Eitseha a bona pontšo eo, a re, "Ke eo moo A leng teng." Amen.

<sup>91</sup> Hola re ka ba le botšepehi bo bokaalo! Hoja re ka ema aletareng, e seng ho fumana maikutlonyana a mofuta le ho tlolela holimo le ho matha, empa ho lula mono. Ho sa tsottelehe se etsahalang, lula mono ho fihlela u kholisehile ka ho phethahala ka matla a tsoho ea Hae, hore Moea o Halalelang o u tšoara le ho u fupara, 'me u le sebopua se secha ho Kreste. Lula mono ho fihlela u shoele 'me u tsohile hape, joale u ke ke oa tloha ho ea nosetsa moikaketsi. U tla ea mono, 'me u a tseba hore O—O u shoetse, 'me u shoele le Eena. Joale u a theoha, ho tsosoa le Eena hape; ho bontša lefatše hore u lumela hore O shoele le ho tsoha hape, 'me u shoele le Eena, 'me u se u tsohile hape. 'Me joale u tla lula libakeng tsa Leholimo, o ja Lijo tsa linku. Ho lokile.

<sup>92</sup> Andrease, e moholo enoa eo re buang ka eena, moena oa Simone, o hlotse bosiu bohle, ho fihlela a kholisehile. Ha a ntse a tsamaea lebopong, Johanne, moporofeta enoa e moholo a 'na a re, "E Mong o teng! Nako e atametse. Löna malinyane a linoha har'a joang, le se ke la re ka ho lona, 'Ke setho sa *sena*, 'me ke setho sa *sane*. Abrahama ke ntat'a rona.' Ke tla le bolella, Molimo o ka tsosetsa Abrahama bana ka majoe ana." Oh, o ne a sa beha feela, selepe motsong oa sefate.

<sup>93</sup> Le a bona, Johanne e ne e le monna oa lehoatata. Shebang seo a buileng ka sona: lilepe, lifate, linoha. Le a bona? Ke seo a neng a se tloaetsse, ka ntle mono nahathoth. 'Me a re, "Selepe se beiloe motsong oa sefate, 'me sefate se seng le se seng se sa beheng litholoana tse monate se tla rengoa, se chesoe." Ho ratha sefate ka selepe; ho khaola lihlooho tsa linoha, le ntho e 'ngoe le e 'ngoe. E ne e le monna oa lehoatata.

<sup>94</sup> Ha ho makatse ha Jesu a itse, "Le ne le tsoile ho ea bona eng?" *Thuto Ea Mahlohonolo*, joalokaha ke rerile ka eona. Eitse ha A tšeleta mose ho leralla, barutuo ba Johanne ba rialo. "Le ne le tsoile ho bona eng, motho ea apereng liaparo tse bonolo?" A re, "Ke bao ba bitsoang, 'Ngaka, ntate ea halalelang.' 'Me ba apara liaparo tse bonolo. Ba aka masea, 'me ba nyalis e—e bacha, ba pata maqheku. O tšoara thipana." Monna ea joalo o ne a ka tseba eng ka Sabole e matsoho a mabeli kantle mabaleng a ntoa? "A na le ne le tsoile ho bona e mong?"

<sup>95</sup> Ba bang ba re, "Joale ana le ne tsoile ho bona lehlaka le tsokotsoang ke moea ofe, kapa sehlotšoana sefe feela se ka tlang, ho u fetola ho tloha ho *sena* ho ea ho *sane*, le *sena* ho ea ho *sane*?" E seng Johanne. O ne a kholisehile. O—o ne a tseba moo a emeng teng. O tsebile maemo a hae. O ne a sa tsokoletse Johanne koana le koana. Che, che.

<sup>96</sup> Ho re, "O ne o ile ho bona eng ke hona, moporofeta?" A re, "'Me ke re ho lona, ke e moholo ho moporofeta. O fetisa le moporofeta."

<sup>97</sup> Kahoo Johanne a kholiseha, 'me a qala a rera. 'Me Andrease esale a etela liboka. Eitse ha Jesu a feta, 'me Andrease le

morutuoa e mong ba le teng, eaba Johanne o a ba bontša, 'me a re, "Bonang Konyana ea Molimo e tlosang libe tsa lefatše." 'Me ba Mo latela.

<sup>98</sup> Ke rata seo. Eka nka ba le sefutho se se kaalo boboleling ba ka. Ha ke re, "Bonang Konyana ea Molimo e tlosang libe tsa lefatše," 'me motho e mong le e mong o ne a tla Mo sala morao. Khele! Ntumelleng . . .

"Ke Mo fumana kae, Moena Branham?" Nka u bontša.

<sup>99</sup> Ha se khale haholo, ke ne ke le kopanong ea Banna Borakhoebo. 'Me ke ne ke rera kantle Lebopong la Bophirima. 'Me mothaka e mong a tla ho 'na, 'me a re, "Hela, na ha u moreri?"

Ka re, "E, monghali."

A re, "U etsa'ng le borakhoebo baa?"

Ka re, "Ke monna rakhoebo."

'Me a re, "U khoebong ea mofuta ofe?"

Ka re, "Khoebong ea ashorense."

A re, "Ke inshorensen ea mofuta ofe?"

Ka re, "Ashorense."

Ho re, "Ke ea mofuta ofe?"

<sup>100</sup> Ka re, "Ashorense e bokoang, Jesu ke oa ka." Ka re, "Haeba u thahasella pholisi, ke batla ho buisana le uena ka eona."

<sup>101</sup> Motoalle oa ka, Mongh. Snyder, moshanyana ea ratehang, o tlide ntlung ea ka. 'Me ke mo tsebile ke sa le mothakanyana, 'me re kene sekolo 'moho. A re, "Billy, ke rata ho u rekisetza inshorensen."

<sup>102</sup> Be, nkile ka qhekanyetsoa hang ka konteraka, ka inshorensen, 'me ha kea ka ka hlola ke e reka hape. Kahoo a re . . . Ka re, "Wilmer, ke—ke nka etsa . . . joalo ka uena, empa" ka re, "Ke—ke se ke fumane tiisetso."

A re, "Oh, u na le eona?"

<sup>103</sup> Mosali oa ka a ncheba eka ke moikaketsi. O ntseba ke sa reka inshorensen, empa ka re, "ashorense." Le a bona?

<sup>104</sup> A re, "Oh, ke masoabi, Billy." A re, "Ke ea k'hamphani efe?"

Ka re, "Bophelo Bosafeleng."

Ho re, "Ha ke lumele nkile ka utloa ka k'hamphani eo."

Ka re, "U a tlameha." Oh, ke kholisehile hore e lokile. Ho lokile.

<sup>105</sup> Kahoo, Johanne a rera a re, "Ke eo, Konyana ea Molimo e tlosang sebe sa lefatše."

<sup>106</sup> Ha ke 'Mona a tsamaea hara letšoele, ho hula moetsalibe, kapa motho ea kulang, le ho bua le bona, le ho tseba hore ke Oona Molimo. 'Me mang kapa mang, ea ka tsebang letho, o tla

tseba hore nke ke ka etsa hoo. Ke rata ho re, "Bonang Konyana ea Molimo e tlosang libe tsa lefatše."

<sup>107</sup> Ke rata ha batho, ba re, "Ke a e lumela. Joale ke bakela libe tsa ka. Ke lumela ho Jesu Kreste." Oh, ke rata ho ba bona ba etsa seo.

<sup>108</sup> 'Me barutuoa bana ba tloha hang ba sala Jesu morao. 'Me A qamaka. O ile a ba fumana. 'Me A re, "Le batla'ng?"

<sup>109</sup> Ba re, "Rabbi," ha e hlalosoa, "Monghali, u lula kae?"

<sup>110</sup> A re, "Tloong le bone." Joale eo ke memo e babatsehang. "Tloong le bone." Ke rata seo.

<sup>111</sup> Ke seo Filipi a se boleletseng Nathanaele, mohla Nathanaele a itseng, "Na ntho e molemo e ka tsoa Nazaretha?" A re, "Tloong le bone."

<sup>112</sup> Ka hona, tloo, u fumane. U se ke ua lula lapeng 'me ua nyatsa. Tloo, u fumane. Le a bona? "Tloo, u iponele."

<sup>113</sup> Joale, ba boletse e ne e le nako ea mantsiboea, kahoo Andrease a hlola bosiu bohole. Oh! Ke mokhoa o motle oo. A lula ho fihlela a kholisehile. Seo Monna eo a 'moleletseng sona bosiusung boo, seo A se buileng ho eena, kapa seo A se entseng, ntho e teng e kholisitseng Andrease ka ho feletseng hore E ne e le Messia.

<sup>114</sup> Letsatsi le hlahlamang hoseng haholo, kea kholoa, a phamola jase ea hae le katiba, 'me a theoha, hoba Petrose o ne a il'o tšoasa lihlapi tlase nokeng. 'Me a re, "Tloo, u bone eo Re Mo fumaneng. Ke Messia." O ne a kholisehile. Hoba a kholisehe ka ho phethahala hore e ne e le Messia, o ile a tsotella moena oa hae.

<sup>115</sup> Ke eona taba eo, bosiusung bona. Batho ha ba kholiseha ka Molaetsa. Batho ha ba kholiseha ka Moea o Halalelang. Haeba u hlide u kholisehile, joale u a tsotella. U tla etsa sohle seo u ka se khonang, ho etsa eng kapa eng eo u tlamehang ho e etsa. Ho re, "Be, Moena Branham, ha ke moreri." Be, le uena u ka etsa ho hong.

<sup>116</sup> Ke hopola khetlo le leng ke tšoere kopano. Teng ha pholosoa sehoai se ileng sa tlala Moea o Halalelang. 'Me a se na letho haese boiphihlelo ba hae, le teraka. Empa a hulela ba bangata hakana kopanong, a ba a tlatsa ba bang ba mashome a mararo ka Moea o Halalelang, pele e . . . ? . . . Hobaneng? O ne a kholisehile. 'Me hoba a kholisehe, a tsotella. Moralinyana a fola. Ra fumana batho ba kulang bosiu bo bong le bo bong, teraka e tletse bona, e ba tlisang ho tsoa hohle. Ba mashome a mararo ba fumana Moea o Halalelang. Le a bona? O ne a kholisehile hore E ne e nepahetse, ka hona o ne a tsotella motho e mong. 'Me rea . . . Haeba re kholisehile hore Jesu o haufi le ho tla, re tla tsotella ba lahlehileng. Re tla be re etsa sohle seo re ka se khonang ho phatlalatsa Evangelii.

<sup>117</sup> Jakobo a qeta bosiu bohole, bosiu bo bong, a ntse a betana. Khosana eo e betanang, a betana bosiu bohole. Esale a koekoetla Esau *mona* le *mane*. O ne a tšohile ho isa lefung, ka eena. 'Me a utloela hoba Esau o a tla. A tšelisetsa mosali oa hae mose ho molapo. A tšeleta mose oane 'me a khumama. Le a tseba, Molimo oa theoha 'me oa tšoara Jakobo, 'me ba betana bosiu bohole. Kahoo a—a sa kholiseha ka ho feletseng, le ho qaleng. Empa ha Molimo o qeta ka eena, o ne a kholisehile. Ee. O ile a tiisetla ho fihlela a kholisehile hore e ne le Molimo.

<sup>118</sup> Moena, o ne a sa tšabe Esau ka nako eo. A tšela noka, 'me o ne a fokola a bile a qhiletsa. Nako e mpe ka ho fetisa eo a ka bang ho eona, ho bonahetse joalo. Eena—o ne a—e ne e le mofokoli ea fetisisang eo e kileng ea ba eena. O ne a holofetse le sohle. Empa Esau a re ho eena, "Ana u ka ntumella ho romela lebotho ho tla u thusa?"

<sup>119</sup> A re, "Ha ke hloke le thuso." Hobaneng? O ne a kholisehile hore Molimo, eo a neng mo tšoere, o ne a ka mo hlokombela. Alleluia! Hola batho ba ka etsa joalo feelsa.

<sup>120</sup> Haeba u ka kholiseha hore Molimo ea u tšoarang, o sisinya pelo ea hau, ho u etsa 'mopuoa e mocha ho Kreste Jesu. Ere ho kula, lefu, kapa ntho efe feelsa e fihle, o kholisehile hore A ka u hlokombela hantle. Ehlide. Amen. Ke rata seo.

<sup>121</sup> Shamgare, thakanyana leo re buileng ka lona bosiusing bo bong, o ne a tsotella lelapa la hae. E, o tsebile hore ba ne ba lapile. 'Me Bafilesta ba nyoloha, sekete sa bona, ke a kholoa, makholo a tšeletseng le ho hong. Ke a kholoa, makholo a tšeletseng a bona a ile a nyoloha ka tsela, banna ba hlometseng. O ne a tsotella lelapa la hae, hoba ba ne ba tla bolaoa ke tlala mariheng ao. Empa o ile a lula mono, a nahana a ntse a nahansisa. O ne a ka etsa'ng? O ile a lula mono ho fihlela a kholisehile hoba Molimo o phethahatsa tšepiso ea Hae.

<sup>122</sup> Joale, shebang seo a ka beng a se nahanne. "Joale, mona, ntate Abrahama, eo ke jereng letšoao la lebollo la hae 'meleng oa ka, hobane ke lumela Abrahama e ne e le monna oa Molimo. O ne a kholisehile. O ile a siea lehae la hae. A siea tsohle tseo a neng a li ruile, ho sebeletsa Molimo. Eitse ha a le thabeng, mohla a nyehelang pheleu sebakeng sa Isaaka, Molimo oa bolella Abrahama, 'Erekaha u entse sena, peō ea hau e tla rua khoro ea sera.'" Ke hantle. "'Peo ea hau, Abrahama, Ke a u tšepisa. Ke hlapanya.'" Alleluia! Oh, khili! Joale ke ikutloa ke tletse bolumeli. "Kea hlapanya. Abrahama, peō ea hau e tla rua khoro ea sera sa eona."

Joale Shamgare o ne a ka re, "Ke peō ea Abrahama." Amen.

<sup>123</sup> 'Me efela ha Shamgare a ne a ka nahana seo, ka ho ba peo ea tlhaho ea Abrahama, ho ka thoeng bosiusing bona, 'me rona re Peo ea Borena ea Abrahama? Oh! Whew! U nahana hore kea hlanya. Mohlomong ke joalo. Ntloheleng. Ke ikutloa hamonate tjena ho

feta mohla ke ne ke fupile kelello e 'ngoe. Ee. Peō ea Borena ea Abrahama! Kereke ke Peo ea Borena, e tsepisitsoeng. 'Me efela ha peo ea hlaho e ne e ka ba sebete se kaalo, Peo ea Borena e loketse ho etsa eng, ka—ka Boteng ba Moea o Halalelang o tlotsang feela hohle, ho Iponahatsa? Whew! Khanya! Ehlide.

<sup>124</sup> Shamgare a re, "Ke peo ea Abrahama." Ha a qala a e nahana, "Molimo o boleletse Abrahama, ke a e lumela, hore peo ea hae e tla rua likhoro tsa sera sa hae. 'Me ke bao, ba hoanta ba feta khorong ea ka." Ke sa tsoa fihla, ke kokositse tsenene ea pholo. Joale, ha a ka a ema.

<sup>125</sup> Ha a ka a emela ho ithuta petano, kapa ho re, "Joale ema hanyenyane. Ke Peo ea Borena. Ke peo ea Abrahama. Ke bolotse. Ka baka leo, u a tseba, Bafilesta bana bohle ke bahale ba khabane. Ke khale ba ikoetlisa. Ke tla theohela seminaring 'me ke fumane Ph.D. le L.L.D., 'me ke tla ithuta ho loana. Ke tla ithuta katekisima, melao eohle ea kereke."

<sup>126</sup> Hola a entse joalo, ke phetho seo a ka beng a tsebile letho ka sona . . . ? . . . Hola feela a tsebile hoo, 'me a ka be a sa se hlola. Joale a ka be a sa hlolisana le sera.

<sup>127</sup> U ke ke ua hlolisana le sera. Nke ke ka hlolisana le sona. Empa kea hopola ke phela tlas'a tsepiso, alleluia, ke hore matla a sona a se a hlotsoe, le ho haptjoa, le ho liheloa fatše. "Ke feta mohloli, hona joale." Eseng 'na, empa ke ka ho Eēna Ea ntlholetseng, le a bona, le ea phelang kamehla. Ke karolo ea Peo ea Borena ea Abrahama. E nahaneng motsotso, ebe u nka tsenene ea khomo ea pholo. Lelekela liabolosi eo oa pelaelo hole le uena. Ee.

<sup>128</sup> Ho re, "Ke . . . Nke ke ka ithuta ho betana." Haeba a etsa joalo, ke phetho seo a tsebang ho se etsa, ke petano feela. Ke phetho seo a ka beng a buile ka sona.

<sup>129</sup> Kajeno, re leka ho e sebetsa joalo kajeno. Banna ba re, "Ke fumane pitsobophelong ba ka ho ba moreri."

<sup>130</sup> "Che, joale, mora, ke tla bitsa bishopo, 'me ke tla fumana haeba nke ke ka u lumella ho ea sekolong, 'me u ka ithuta saekholoji, 'me oa ithuta lintho tsena tsohle. Le lilemo tse ka bang leshome seminareng li ka u lokisa." E tla etsa joalo, ehlide bo. E tla mo lokisa hore a se hhole a tsoha.

<sup>131</sup> Phapang e kakang, ho romela moreri kajeno, ho feta mohla Kereke ea pele. Ha baa ka ba emela lilemo tse leshome. Ba letile matsatsi a leshome. Haeba u hloka lilemo tse leshome ho kholiseha . . . Ba kholisehile matsatsing a leshome. Amen. A ka a kholiseha ka saekholoji, empa u tlameha ho fumana thutalengole. Matsatsi a leshome feela, keha ba kholisehile, 'me joale ba tsotella ba bang. Ba bang ba bona keha ba sa khone le ho saena mabitso a bona. Bibebe e ba boletse ba sa bala letho ba sa ruteha, empa ba ne ba kholisehile. Alleluia!

<sup>132</sup> Ha ke tsotelle thuto. Ke kholisehile hoba Jesu Kreste ke Mora oa Molimo. Ke kholisehile hoba Oona ke Moea o Halalelang. Ke kholisehile hoba Ke Mofolisi. Ke kholisehile hoba Ke Mopholosi. Ke kholisehile hoba O a tla. Ke kholisehile hore *Sena* ke Sane. Ke kholisehile. Ke a e lumela.

<sup>133</sup> Ba ipoletse ba kholisehile. Ntho e ne e etsahetse. Ba ne ba kholisehile, joale ba tsotella hoba ba kholisehe. Ba ne ba tsotella ho fetisetsa Lentsoe la Hae ho ba bang kaofela. Eo e ne e le pontšo e ntle ea hoba ba ne ba kholisehile: ba ne ba tsotella.

<sup>134</sup> Ba ne ba sa tsotelle thuto, ho tsotella haeba ba ka re “amen” hantle feela. Ba ne ba sa tsotelle hore ke litho tsa mokhatlo ofe, kapa haeba ba tšoere karete ea kopano, kapa che. Ba ne ba kholisehile hore sohle seo ba se hlokileng ke Eena.

<sup>135</sup> ’Me ke joalo bosiung bona. Ke khotsoe hoba sohle seo re se hlokang ke Kreste. Ha u hloke ramotse e mocha. Ha re hloke lipresidente tse ncha. Ha re hloke lebotho le lecha. Ha re hloke bomo e ncha. Re hloka Jesu.

<sup>136</sup> Ke sohle seo ba—seo ba neng ba khotsoe ka sona. ’Me ba boetse ba lumela hore O tla . . . Ba ne ba khotsoe hoba O—O ne a tla khahlaneyetsa tsohle tseo ba li hlokang.

Na u khotsoe hakaalo, bosiung bona?

<sup>137</sup> Ho re, “Ke khotsoe. Ho sa tsotellehe se tlang ka pel’ a ka, se Mo lekane. Ho sa tsotellehe se tlang ka pel’ a ka, ke kholisehile hoba O tla ntlhokomela. O boletse A tla e etsa.”

<sup>138</sup> “Ke tla ba le lona, le ka ho lona, ho isa bofelong ba mehla. U se ke ua nahana ka hosasane, ho tla itlhokomela.” Ke hantle, nahana feela kajeno. “Efela ha Molimo o apesa naha, le joang ba naha, boo kajeno bo leng teng, athe hosasane ha bo eo; ’me efela ha O tsotella serobele ho se oele seterateng A sa tsebe ka sona,” O tseba hakae ka litlhoko tsa rona?

<sup>139</sup> Ke kholisehile. Ke ka hona le sa mponeng ke kopa menyehelo, le *sena, sane*. Ke kholisehile. Ha nka lula le Lentsoe lena, Molimo o tla lula le ’na. Ke kholisehile. Ha u a tlameha ho fuoa. E tla tla ka tsela e itseng. Ke, kea—ke feela—kholisehile feela. Ke a e lumela. Ke lumela Lentsoe le leng le le leng leo A le buileng. Ke kholisehile ka Lona. Ke kholisehile hoba O tla finyella litlhoko tsohle tseo ke li hlokang. Nke ke ka hloka ho ngongoreha ka eona.

<sup>140</sup> ’Me hape o ne a kholisehile hoba ba ne ba sa hloke khahla-khahla ea saekholoji, le lintho tse ling tsena tsohle, ho li nka. Ba ne ba kholisehile hoba ba neng ba . . . bona—ba neng ba ba rerela, e ne e le phetho feela seo ba se hlokileng, e tla ba seo ba neng ba e-na le sona.

<sup>141</sup> Ke bothata ba eona kajeno. Ba leka ho sutela lintho tse ling ka ho bona, litumeloana, le lintho tse joalo. Ha u eso ho kholisehe ka khutso le ka mohla hore Moea o Halalelang o nepile. Ke sohle

seo ke se hlokang. Ke phetho seo u se hlokang. Ke phetho seo motho e mong a se hlokang.

<sup>142</sup> Koana Afrika nakoana e fetileng. Ba ne ba leka ho ruta batho bao tlase mono, le merabe. 'Me ha u ba kenya ka hara monna e mosoeu, o nka sebe sa motho e mosoeu. O na le sebe sa hae kantle mono morabeng. Ho mo kenya ka hare, o nka sebe sa motho e mosoeu, ebe ke ngoana oa lihele habeli ho feta kamoo a neng a le kateng, le ho qala. O hloka ntho e le 'ngoe feela. O hloka Kreste. Amen.

<sup>143</sup> Hudson Taylor, khetlo le leng. Na ha le eso utloe ka Hudson Taylor, moromuo a moholo, China? Ho ne ho ena le moshanyana oa Moindia. O ile a pholosoa, a re o bile le pitso tšebeletsong. A tla 'me a re ho Mongh. Taylor, a re, "Mongh. Taylor, na nka nka lilemo tse 'ne tsa saek'holoji," le lintho tse fapaneng tseo a lokelang ho li etsa, "'me ho tla nkuka nako e kae, ho fumana Bachelor of Art ea ka?"

<sup>144</sup> Mongh. Taylor a re ho eena, a re, "Mora, le ka mohla u se ke oa chesa e—e kerese halofo tlase pele u qala." Che.

<sup>145</sup> Ke seo ke se nahangan, le 'na. Se ke oa ema ho fihlela kerese e chele halofo, le ho suteloa thuto ea mofuta, mokelikeli oa mofuta o nokang setopo. U se ke oa etsa seo. Empa ke re, hang ha kerese e hotetsoa, qala. Ha ke leke ho tšehetsa ho hloka tsebo, empa ke sena seo ke se bolelang. Haeba u sa tsebe letho, ba bolelle kamoo kerese e hotelitsoeng. Ke phetho seo ba lokelang ho se tseba. Ba bolelle se hotelitseng kerese. Ba bolelle se tukang ka mono. Ba bolelle feela kamoo e hotelitsoeng. Ba tlohele ba hotetsoe, ba tla—ba tla hlokomela tse setseng. Ka sebele.

<sup>146</sup> Ha u a tlameha ho bolela, ho tsamaea ka mantsoe a maholo ao u sa tsebeng ho qala ka ona, 'me ha a bolele letho hoba u a tsebe. Le a bona? Ba bolelle feela, "Khanya ho Molimo! Moea o Halalelang o nthefutse, 'me ke monna ea fapaneng." Ba bolelle kamoo kerese e hotelitsoeng. U se ke ua e emela ho fihlela e chele; ebe ke mosi ka nako eo. eBa bangata haholo ba bona kajeno. Ba bolelle feela hore e hotelitsoe joang.

<sup>147</sup> Sefofu seo Jesu a se buselitseng pono holimo mono, ba ne ba phehile khang ka eona. Lea hopola eitseha a feta, barutuo a ba re, "Ke mang ea entseng sebe, eena kapa 'mae, ntatae?"

<sup>148</sup> Jesu o itse, "Ha ho le a mong. Empa e le hore mesebetsi ea Molimo e tle e bonahatsoe." 'Me A mo fa pono ea hae.

<sup>149</sup> Ke mona ho etla bangoli le Bafarisi bohle. 'Me ntatae le 'mae ba tšoha ba shoa, hobane ho ne ho boletsoe, "Ekare ha motho a mamela Jesu eo oa Nazaretha, Moporofeta eo, o tla u neha feela lengolo le tsoang kerekeng. U khaotsoe."

<sup>150</sup> Ha ba e-so e fetole ka letho. Le a bona, ho a tšoana! "Mang ea Mo mamelang, kapa a etela kopano ea Hae, u hlakotsoe hantle

feela kerekeng, hantle feela le ho qaleng.” Ba hlakola lebitso la hau hantle bukeng.

<sup>151</sup> Eaba ba ea lata ntatae le ’mae, ba re, “Na enoa ke mora oa lona?”

<sup>152</sup> A re, “Ee, le boletse teng.” A re, “Rea tseba enoa ke mora oa rōna, ‘me rea tseba hore o hlahile a foufetse.”

“Be,” ho re, “o bone joang?”

A re, “Mo botseng. O lilemong.”

A re, “Tlotlisang Molimo. Monna enoa ke moetsalibe.”

<sup>153</sup> Khele, a ke ke a phehisana le bona ka thutamolimo. Ruri lekhale. Empa o tseba ntho e le ’ngoe. O ne a kholisehile hore o a bona. A re, “Haele hore ke moetsalibe kapa che, ha ke tsebe. Ha ke tsebe O tsoa sekolong sefe, kapa letho ka eona. Empa ena ke tšoere ntlha e le ’ngoe ena e ntle: ke na be ke foufetse, ke kholisehile hore ke a bona; hobane O mpoleletse hore nka khona, ‘me ka Mo mamela.” Alleluia!

<sup>154</sup> Ho a tšoanang le ka ’na. Ke na be ke foufetse, empa joale ke a bona. Nkile ka sitoa ho bona Sena. Ke le moetsalibe. A bula mahlo a ka. Ke na be ke foufetse, ke a bona joale.

<sup>155</sup> O ne tšoere ntlha e ntle ea ngangisano, ehlide bo, hofihlela ba sitiloe ho mo hanyetsa. Hobaneng? O ne a kholisehile hore o a bona. ’Me o ne a kholisehile. “Hore,” a re, “ke ntho e makatsang joale. Lea ema, lona mathaka mona, le baetapele ba bolumeli ba sechaba. ’Me le re ha le tsebe moo Monna enoa a tsoang teng, ‘me ke Enoa O etsa mohlololo holima ka, o so kang o etsoa lefatšeng. Ke ntho e makatsang.”

<sup>156</sup> Moena, ke lumela hore ke mothuti ea khabane haholo oa thutabomolimo, tabeng eo. Hobaneng? O ne a kholisehile. O ne a tšoere ntho e mo kholisang. O ne a foufetse; o ne a khona ho bona.

<sup>157</sup> Davida, mohla a nyolohelang lebothong la Saule, Goliathe ka nqa e ’ngoe, Davida e le monna e monyenyan ka ho fetisisa sehlopheng seo. Goliathe a le moholo ka fetisa. Saule o ne a ka nonyana matla le eena ho feta. Saule a ka ba maoto a supileng, kea kholoa, kapa ho feta, mohlomong a robeli, “Hlooho le mahetla holim’ a monna e mong le e mong lebothong la hae.” ’Me Davida e ne e le monna e monyenyan ka ho fetisisa mono, ‘me e le eena feela monna ea sa koetlisoang mono. Empa, moena, o ne a kholisehile. Khanya! Le a bona? “Ke ithata ke le tjena.”

<sup>158</sup> Hlokamelang. A sa koetlisoa. A se se na marumo. A sa tsebe letho ka eona. ’Me e ne e le thakanyana feela le lekhabelu. Empa o ne a kholisehile, ‘me o ne a tsotella lebotho le neng le ipitsa “lebotho la Molimo o phelang.” ’Me o ne a kholisehile hore Molimo, O neng o mo thusitse ka letjeketjane leo, ho bolaea tau le bere, ruri o be a ka falatsa Mofilista eo oa legai. O ne a kholisehile, joale o tsotella sesole. Ho sa tsotellehe hore na o

fumane bokae... Haeba u kholisehile joale u a tsotella, empa u tlameha ho kholiseha, pele. Kahoo, o ne a kholisehile.

<sup>159</sup> Ke hopola bosius bo bong, bosiu bo chesang haholo, bo tšosang hohle, ho uoa ntoeng. Oh, mathata a ne a eme khahlano le eena. 'Me a rapela. A robetse ka ntle mono tlas'a sefate sa monokotšoai. Lebotho le ne le itokisitse, ka ntle mono ho mo khahlanyetsa. A robala tlas'a sefate sena sa monokotšoai. 'Me kamora nakoana a utloa ho hong ho tlang, 'me a kena hara lihlahla tsa monokotšoai, 'me a tsoa ka tsela e ese. O ne a kholisehile, moena. Ho sa tsotelehe kemo-khahlano efe, o ne a kholisehile hore Molimo o kene, ka pel'a hae.

<sup>160</sup> Banna, ha le ka ema mona, bosius bona, ho sa tsotelehe se phoso ka lona; ha u ka utloa moea o fokang ka matla oa Moea o Halalelang u phalla ho uena, le ho re, "Ke 'na Morena ea folisang maloetse a lona kaofela. Ke u folisa joale." Ha u ka kholiseha, moena, ha u tsotelle hore kopano ke efe ka ntle mono, u se u tseba hore e tla etsahala. Ruri.

O ne a kholisehile 'me eaba o a tsotella.

<sup>161</sup> Samsone ea emeng pela Bafilesta, a tšoere mohlahare oa 'moulo letsohong la hae, o ne a sa—a bile a sa hlomela. Empa a kholisehile hore Molimo o mo phahamisitseng, o ne o khona, ka mohlahare oo oa mulete, ho bolaea Bafilesta bana. 'Me a bolaea sekete.

<sup>162</sup> Moprefeta oa 'malehi, Moshe, eitseha Moshe a kholisoa hore e ne e le Molimo sehlahleng seo. Le a tseba, Moshe a eso be le boiphihlelo le Molimo. A na le thutabomolimo e ngata. Empa o ne a balehile. Empa eitseha... O ne a kholisehile hoba Eo e ne e le Molimo sehlahleng. Hobane, Lentsoe le buile le tsoa sehlahleng, le mo qotsa Lengolo, 'me a kholisehile hore Eo e ne e le Molimo. 'Me Molimo oa re, "Ke tla ba le uena." U a tseba, o ne a lahlehetsoe ke tsotello eohle ka moroalo o Egepeta. A hlotse lilemo tse mashome a mane kantle mono, 'me bona ba le bokhobeng. Empa hoba a kholisehile hoba e ne e le thato ea Molimo ho ba lopolla, a tsotella letsatsi le hlahlamang.

<sup>163</sup> Ke enoa a theoha ka tsela. Na u ka nahana pono e joalo? Ka Sefora a lutse holim'a 'moulo, Gershome e monyenyanee nokeng ea hae. Litelu li leketlile *tjena*, lilemo tse mashome a robeli; hlooho e lefahla e phatsima letsatsing; molamu o khopo letsohong la hae; a hoeletsa, "Alleluia!" Ho theohela Egepeta, ho hapa. Ee.

E ka etsa hore u itšoere ka tsela e makatsang.

<sup>164</sup> E ka tsoa tsoa e entse hore a itšoare ka tsela e makatsang, empa o ne a kholisehile. Hobaneng? "Ke tla le uena, Moshe. Ke tla nka lere lena le letsohong la hau, 'me Ke tla lopolla batho ba Ka." Joale, thupana ea khale e khopo e ne e sa shebahale e le kaalo, empa, moena, o ne a kholisehile hobane Lentsoe la Molimo le ne le ena le eona.

<sup>165</sup> Ua tseba Lentsoe la Molimo le na le uena, le ka ho uena, u ka kholiseha.

<sup>166</sup> Bana ba Baheberu, ba ne ba kholisehile hore O khona ho boloka Lentsoe la Hae, ee, ha feelsa ba ne ba ka ema holima Lona. Molimo o ba boleletse ho se khumamele litšoantšo. Ke hantle feelsa seo Molimo o neng o se bolela. 'Me ba tsebile haeba ba sa khumamele molingoana oo, Molimo o ne o khona ho boloka Lentsoe la Hae. Ba ne ba kholisehile hore O ne a le teng. 'Me eare ha ba kholisehile mabapi le ho ema le Lentsoe la Oona, Molimo oa tsotella ka ho ema le bona.

<sup>167</sup> Ha u kholisehile hore Lena ke Lentsoe la Molimo, Molimo o tsotella ho u hlokomela ka Lona. Le lekiloe, masimong a kantle le hohle, haeba u kholisehile hore Le nepahetse. Empa, u tlameha ho kholiseha, ke hona Molimo o tla u tsotella. Empa, pele, u tlameha ho kholiseha hore Ke Eena, 'me O boloka tšepiso ea Hae, ebe moo Molimo o tsotellang.

<sup>168</sup> Maretha o ne a kholisehile ha Jesu a ka kopa Molimo, e tla etsahala. A re, "Ha ke tsotelle seo ba bang ba se buang. Ha ke tsotelle le haeba khaitseli ea ka Maria a sa lumele ho eona. Ha ke lumele, ha ke tsotelle seo rabbi a se buang. Empa, Morena, hoja Ua ba teng mona, moena a ka be a sa shoa." 'Me a re... "Le joale, ke kholisehile, ha U ka kopa Molimo, Molimo o tla U nea eona. E tla etsahala. Ke theoha hantle, tlosa lejoe. Ke tla itokisetsa eona. Ke kholisehile." Ehlide.

<sup>169</sup> Ho hopola ntate, tlase Kentucky, lilemong tse fetileng. Lijalo tsohle li ne li cha. 'Me moreri oa khale ea potolohang a feta, 'me e le lqheku le khabane. Eitse ha a khumama ka mangole, a lula mono ho fihlela ntho e etsahetse. Letsatsing leo, bohle ba ne ba batla ho rapella pula hore e tle. Pop o boletse, eitseha leqheku leo le khumama ka mangole, a bona matsoho ao a khale a sosobaneng a phahamela moeeng, a re, "Oho Molimo, ke U sebelelitse. Batho bana ke ba Hau, 'me lijalo tsa bona lia cha." Pop a re o ile a thoba a tsoa ka kerekeng, a tsoa mono 'me a theola sale muleteng oa hae, a e lahlela tlas'a kereke, hoba o tsebile pula e a tla. A kholisehile, e, monghali, eaba o tsotella sale ea hae. Hoba a kholisehe!

<sup>170</sup> Martha a re, "Hoja Ua ba teng, moena oa ka a ka be a sa shoa. Empa esita le joale, sohle seo U se köpang Molimo, Molimo o tla U nea sona. Ke hantle. E tla etsahala, ha U ka kopa Molimo." Na hoo ha ho babatsehe?

<sup>171</sup> Jairuse, ka setopo ka tlung, ngoana oa hae ea mong, oa lilemo tse leshome le metso e 'meli, ngoananyana. Molaetsa o tlie, "U se ke ua tšoenya Monghali, hobane o se a shoele." 'Me Jesu a re...

<sup>172</sup> Pele, a re ho Jesu, "Ngoanana oa ka esita le joale o shoele, empa ke kholisehile." Alleluia! "Tloo, bea matsoho a Hau holima hae, o tla itokela." Ke kholisehile!

<sup>173</sup> O ne a utloile ka Jesu. O tsebile mesebetsi ea Hae. E ne e le molumeli oa sephiri. Tlase ka pelong ea hae, o lumetse hoba eo e ne e le Mora oa Molimo. O ne a kholisehile ka botlalo ka eona. U a tseba, na ha ho makatse? Molimo o ile oa mo qobella.

<sup>174</sup> Molimo o tseba ho u qobella. Hantle. Ka nako tse ling O u fa maloetse, ntho e 'ngoe le e 'ngoe ese, ho u qobella feela ho eona, ho bontša 'mala oa hau, seo u leng sona.

<sup>175</sup> Ho mo qobella. Jairuse o ile a tlameha ho lumela seo. Eaba o ipontša seo a neng a le sona. Ho re, "Ha U ka tla, oa bea matsoho a Hau holima ngoanana oa ka, leha a shoele, o tla phela." Oh, khili! Ke rata seo.

Ha ke nahana, le Maretha o boletse ntho eona eo.

Jesu o ne a kholisehile ka Eona, le eena.

<sup>176</sup> Lesole la Moroma, molaoli oa lekholo, o ne a kholisehile, hola feela a ka buisa Jesu Lentsoe. Mamelang lesole leo, Moroma, Molichaba, mohetene. A re, "Ke monna ea tlas'a bolaoli. Ha ke re ho monna *enoa*, lesole lena, 'E-ea *mona*,' o a ea. 'Me ke re ho *enoa*, 'Tloo, 'me o a tla.' Hobaneng?" O ne a mo okametse. O ne a paka eng? "Jesu, U holim'a mafu 'ohle. U holim'a eona eohle. Ha nka U utloa U bua Lentsoe feela, mohlanka oa ka o tla phela. Ke kholisehile ka botlalo."

'Me ebile, kamora tseo tsohle, re sa ntse re sa kholiseha. Le a bona?

<sup>177</sup> E ne e le eng? Jesu o e tlalehile e le tumelo e kholiseha. A eso e fumane Israeleng. "Bua Lentsoe feela."

<sup>178</sup> Ke ena mona, hantle *Mona*. "Ha u rapela, lumela hoba u fumane seo u se kopileng, 'me u tla se fumana. Ha u ka re ho thaba ena, 'Sutha, 'me u belaеle pelong ea hau, empa u lumela hoba seo u se buileng se tla etsahala, u ka fumana seo u se buileng."

<sup>179</sup> Ha ho le joalo paka. Eng? "Ke folisitsoe ka maqeba a Hae. Ka mohau oa Hae ke bolokehile. Ka tsepiso ea Hae ke tla mamela, 'me ke tla tlatsoa ka Moea o Halalelang." Ke eona, haeba u kholisehile hore O boloka Lentsoe la Hae. Empa pele u lokela ho kholiseha.

<sup>180</sup> Mosali oa phallo ea mali, o ne a kholisehile; ho sa tsottelehe seo rabbi a se buileng, le seo moprista a se buileng, le seo monna oa hae a se buileng, le seo motho osele a se buileng. A re, "Eo ke Monna ea Halalelang. Ke Mora oa Molimo. 'Me ha nka ama mophetho oa seaparo sa Hae, ke phetho seo ke lokelang ho se etsa. Ke kholisehile hore ke tla phela hantle." Leha ngaka e mo tlaleha a ke ke a fola, empa o itse, "Nka fola ha nka ama feela mophetho oa seaparo sa Hae." O ne a kholisehile.

<sup>181</sup> Mosali selibeng o ne a kholisehile hore E ne e le Messia, hoba a bone pontšo eo ea Mangolo, o tsebile seo Messia a tlang ho ba sona. Joaloka ha ke boletse hoseng hona, bophelo boo

bo reriloeng pele bo robetseng mono. 'Me hang ha a...Eona, metsi a futhumetseng a tšoloha...Metsi a pholileng, ke rialo, a tšolohela holim'a Lentsoe leo la bophelo leo Molimo o le rerileng ho tloha motheong oa lefatše, o Le bone ka potlako *joalo*. [Moena Branham o thanya menoana ea hae—Mohl.] Athe, ho ne ho le bareri mono, ba sa Le bone; baptista ba sa kang ba Le bona; baptista ba baholo ha ba ka ba Le bona; bareri ba baholo ha ba ka ba Le bona; ho Le bitsolla "liabolose." 'Me sehololanyana, se fokolang kantle mono, Molimo o ne o rerile hoo ho tloha motheong oa lefatše. Ha u kile oa fihla mono, u ne u le teng, le uena.

<sup>182</sup> Joale, Bibebe e boletse, "Matsatsing a ho qetela, antikreste o tla tlala borapeli hakaale, hakaale ka ntho ea sebele, hoo e ka thetsang le bona Bakhethoa hola ke ntho e ka etsoang." Empa, lekhale. Ke hantle. 'Me, "Bohle." "O tla thetsa bohole, ba lefatšeng, bao mabitso a bona a sa ngoloang Bukeng ea Bophelo ea Konyana." Ho tloha tsoseletsong ea ho qetela? Ha e utloahale joalo ka Bibebe, na ho joalo? [Phutheho e re, "Che."—Mohl.] "Ho tloha ho mothehong oa lefatše." U ke ke oa ba thetsa, hoba ba theiloe Lentsoeng leo hantle. Ha ba bona lintho tseo li hlaha, Ke Bophelo, ba Le tšoara hona joale. [Moena Branham o thanya menoana ea hae.]

<sup>183</sup> Ba bang ba tla potoloha, ba re, "Ah, ha ho letho ho Seo. Huh!" Le a bona? Ha ba kholiseha. Ha ho letho mono ho ba kholisa. Ha ho letho ka ho bona, ho lumela ka lona.

<sup>184</sup> 'Mè o ne a atisa ho re, "U ka fumana mali joang ho rapa athe ha e na mali?" Ho lokile.

<sup>185</sup> "Linku tsa Ka li utloa Lentsoe la Ka." Li tseba Lentsoe. Lentsoe la Hae ke Eng? Ke Lena. Litumeloana tsena ha li li latele. "Empa, li utloa Lentsoe la Ka, li a Le latela."

<sup>186</sup> Mosali ea neng a le selibeng o ne a kholisehile ka ho feletseng. Eaba o tsotella batho ba habo le bona ho tla bona pontšo eo le ho E lumela, hoba a kholisehile hoba Eo e ne e le Messia. Hobane, O 'moleletse bothata ba hae. A re, "Monghali, rea tseba mohla Messia a tlileng, O tla etsa hoo."

<sup>187</sup> A re, "Ke Eena." A tseba hore monna ea ka etsang ntho eo ruri o tla be a bolela 'Nete. Khanya ho Molimo! E, monna eo Molimo a neng a ka mo sebelisa joalo a ke ke a bua leshano. Ho lokile. O tla u bolella 'Nete. Ho re, "Ke Eena."

<sup>188</sup> 'Me a thaba hakana ha Leseli leo le phunyeletsa holim'a Lentsoe leo, a mathela motseng. O ne a kholisehile ka botlalo. Hore o ne a loketse joalo, kapa che, a mathela motseng 'me a bolella borabi le baptista, le batho bohole ba literateng, le barekisi, le batho bohole ba likorosari. 'Me a ea holimo-le-tlase le seterata, a paka, "Tloong, le bone Monna Ea mpoleletseng tseo ke li entseng. Nkang Bibebe tsa lona. Shebang moqolong. Na hoo ha se 'Nete, hore eo ke Eena Messia?" O ne a kholisehile. O tla

ema kahlolong 'me a ahlole likete tsa batho ba tsoang United States mona. Ehlide o tla etsa joalo.

<sup>189</sup> Le a tseba, Jesu o itse, "Mofumahali oa Boroa o tla ema kahlolong, a ba tsoe, hobane o tlie ho utloa neo ea bohlale, eo Salomone a neng a e ruile, temoho." Me a re, "E moholo ho Salomone o teng mona." Ehlide. Empa koana batho ha ba ka ba Mo lumela. Ehlide.

<sup>190</sup> O ne a kholisehile, 'me a batla hore batho ba habo ba kholisehe. Le a bona? Ka mor'a hoba a kholisehe, joale o ile a tsotella batho ba habo. O tsebile hoba Eo e ne e le Messia. O tsebile hoba ke seo Bibele e se boletseng se tla etsahala mohla Messia a tlang.

<sup>191</sup> A re, "Re a tseba Messia, ea bitsoang Kreste, mohla A tlang, O tla re bolella lintho tseo. Empa U tlamehile u be u le moporofeta."

Jesu o itse, "Ke Eena."

<sup>192</sup> Ke eo o ne a kholisehile. Hobane, o tsebile Lengolo le itsalo, 'me ke lena moo Le neng le le teng. O ne a kholisehile, eaba o a tsotella. A tloha ho ea bolella motho e mong.

<sup>193</sup> Joale, Jesu o ne a kholisehile hoba O tla tsoha ka letsatsi la boraro. O ne a kholisehile hakana, A re, "Qhaqhang tempele ena, 'me Ke tla e tsosa letsatsing la boraro."

<sup>194</sup> Hobaneng? Davida, Mangolong, tlas'a tšusumetso, moporofeta. Davida e ne e le moporofeta, le a tseba. Davida, tlas'a tšusumetso, a porofeta, 'me a re, "Nke ke ka tlohela moea oa Hae liheleng, nke ke ka lesa Mokhethoa oa Ka ho bona ho bola."

<sup>195</sup> 'Me O tsebile hoba nakoana ka har'a ho lihora tse mashome a supileng a metso e 'meli, pele ho bola ho ka kena 'meleng oo, O tla tsoha. Lihora tse mashome a supileng a metso e 'meli ke matsatsi le masiu a mararo. A re, "E qhaqheng, 'me Ke tla e tsosa hape," a kholisehile ka bottlalo, ke hantle, hore O tla e tsosa hape. O tsebile hoba Mangolo a ke ke a hholeha. Alleluia!

<sup>196</sup> Ke kholisehile hoba esale Eena maobane, kajeno, le kamehla. Ke kholisehile, tšebeletsong le Molaetseng, oo ke o rerang, ke kholisehile hore Ke 'Nete. Ke kholisehile hoba lipono tsena li tsoa ho Molimo. Ke kholisehile hoba re phela matsatsing a ho getela. Ke kholisehile hoba 'ona Moea ona o holim'a ka joale ke Moea o Halalelang. Khanya!

<sup>197</sup> Ke kholisehile ka bottlalo. Ke kholisehile hoba tsela ea Moea o Halalelang e lokile. Ke kholisehile hoba tsela ea Bibele ke 'Nete. Ke kholisehile hoba Enoa ke Jesu Kreste mona joale. Ke kholisehile. Haeba re Mo lumetse motsotsong ona, Ke kholisehile hoba O tla folisa motho e mong le e mong ea kulang ka motsotsosana, ka ho panya ha leihlo. Ke kholisehile hoba O tla tšollela Moea o Halalelang holimo mona, ho fihlela mohoo o eba mokalo, ho fihlela ho le thata ho bolela se neng se tla etsahala.

<sup>198</sup> Ke kholisehile. Ke e lumela ka pelo ea ka eohle, eseng hobane ke le monna oa leqheku. Ke rerile sena ke sa le ngoana, ke eso fete lilemo tse mashome a mabeli. Esale ke kholisehile ho tloha mohla A kopaneng le 'na nokeng. Alleluia! Ke kholisehile hore O teng mona joale. Ke kholisehile. 'Me Topallo eo ea Mollo ke eona Topallo ea Mollo e neng e ena le Israele lehoatateng, ke eona Topallo ea Mollo e nang le Kereke kajeno. Khanya! Ke kholisehile hore E nepahetse. Ke E nehetse bophelo ba ka. Ke tetse lehae le ntho e 'ngoe le e 'ngoe, ke E nehetse tsohle. Ke kholisehile hore Ke 'Nete.

<sup>199</sup> Ke kholisehile hoba O teng mona joale. Ke kholisehile hoba Moea ona o leng teng mona joale ke Moea o Halalelang. Ke kholisehile hoba re kolobeletitsoe Moeeng oa Hae hona joale. Ke a tseba Ke 'Nete. Ke kholisehile ruri hoba Jesu Kreste esale eena maobane, kajeno, le kamehla. Ke kholisehile, ka ho phethahala.

<sup>200</sup> Lengeloi leo le kopane le 'na holimo mono 'me la mpolella seo Le se entseng. ka ema pel'a bahetene ka likete, le ka mashome a likete. U re, "Na ha u tšabe?" Che, monghali. Ke kholisehile hore E tsoa ho Molimo. Ke kholisehile hobane E ne e le Mangolong. Ke kholisehile hoba Ke Lengeloi la Morena. Ke e lumela ka tsohle tse ka pelong ea ka. Amen. Ke kholisehile, ha re ka kopa Molimo ntho efe kapa efe, O tla re neha eona. U mpa u tšohile feela. U se ke ua tšoha. O teng mona.

<sup>201</sup> Ke kholisehile hore 'ona Moea oo le o utloang, Moea o Halalelang o tsamaeang ka ho rona, ke kholisehile hore Eo ke Kreste. Amen. Ke kholisehile hore hona joale, hore, Sena ke seo ke se shebileng, selikalikoe sena sa Leseli ka pela ka, ke kholisehile hore ke Moea o Halalelang. Ke kholisehile hore pono e holim'a mahlo a ka. Ke a tseba O teng. Amen. Ke phephetsa liabolosi e mong le e mong lefatšeng, horeng ena. Ho lokile! Ke Molimo. Kreste ha se moporofeta feela, Ke Molimo, ha ho letho le haellang.

<sup>202</sup> Ha re inamiseng lihloho tsa rona motsotso feela. Ha ke sa khona ho rera hape. Hum! Tlotso e kalo! [Sekheo lebanteng—Mohl.]

<sup>203</sup> Ho bokoe Lebitso la Morena! Ho kholiseha ka botlalo hoba Ke Jesu Kreste, eena maobane, kajeno, le kamehla!

<sup>204</sup> Ntate ea Leholimong, ke kholisehile hore Ke Uena. Ke a rapela, Molimo, hore etlereha ke tloha kalaneng ena, bosiung bona, hore U tle u etse ntho e ikhethang. Ho pakela batho, hang hape, hore Ke Uena. Ke laetsa ka bamameli bana ho Uena. Morena, re matsohong a Hau. Etsa ka rona kamoo U bonang ho tšoaneleha. Ka Lebitso la Jesu. Amen.

Ntho e etsahetse. Ke kholisehile hoba Molimo o teng.

<sup>205</sup> Na o abile likarete tsa thapelo, likarete life tsa thapelo? [Motho e mong o re, "Che."—Mohl.] Che. Ha re li hloke. Ke kholisehile hoba O teng mona. Le a e lumela?

<sup>206</sup> Haeba u kholisehile ka botlalo, e re, “Jesu, kea U ama, ka maikutlo a mefokolo ea ka. Ke lumela hoba Moena Branham o buile ’Nete. Eena ke motho feela. Uena u Molimo. Empa ke lumela a buile ’Nete, hobane Ke Lentsoe. E ke e etsahale, Morena. A ke a bue le ’na ’me a mpolelle. Etsa hore ke kholisehe.”

<sup>207</sup> Ke ena moo E leng teng, e se e le kopanong. Mofumahali eo ea lutseng mono, o rapella boemo ba methapo. Ngoanana oa hae e monyenyane, o na le eena, o a fokola. U tla e lumela? ’Mè ea kulang hae. Eba le tumelo. Se belaele. U ka fumana seo u se kopang.

<sup>208</sup> Ke kholisehile hoba lona Lengeloi leo le theohileng ka sebopinho sa Monna ’me la bua le Abrahama, le nehile tente mokokotlo oa Lona, ke Eena ea tšoanang mona bosius bona. O tsepisitse hore ho tla ba joalo. Ke lumela hoba lona Lengeloi leo le a re tlotsa, hobane E ne e le Molimo. Le a e lumela? Ho lokile, Sara, ka mona kae-kae, u bua le Molimo. Ke kholisehile, khaitseli. Ke kholisehile, moena, ke a tseba ke ’Nete. Ehlide ho joalo.

<sup>209</sup> Ho na le mosali ea lutseng ka mor’ a ka. O na le bothata ba pelo. O lutse hantle ka mora ka. Ha ke mo tsebe. O eme ka pel’ a ka. Ke mosali ea lilemo li mahareng. Ha a tsoe mona. O tsoa Virginia. Mof. Fox, Jesu Kreste o a u folisa. U lutse hantle ka mona. Ha re boneng. Enoa ke eena, hantle *mona*. Lumela.

<sup>210</sup> U a lumela? “Ha u ka lumela, tsohle li ka etsahala.”

<sup>211</sup> U nahana’ng ka eona, mofumahali? Na ’na le uena re basele, e mong ho e mong? U a lumela hoba ke moporofeta oa Hae? U etsa? U na le bothata ba hlooho. Ke hantle. Lebitso la hau ke Mof. Moore. Haeba ho le joalo, phahamisa letsoho la hau. Eya hae. O fole.

Na u a lumela?

<sup>212</sup> Joale e mong holimo mona, ka pel’ a ka mona. Ke ena, motho e mong. Ke mosali. O na le mofetše letsoeleng. ’Mè Rhodes, lumela ho Morena Jesu Kreste. Ha ke tsebe mosali eo. Molimo o a mo tseba. “U ka lumela, lintho tsohle lia khoneha.” Ho lokile.

<sup>213</sup> Monna ea lutseng koana, ea rapelang, ho tsoa Tulsa. Mongh. Harwood, lumela ho Morena Jesu Kreste. Eya, u fole. Eba le tumelo. Ke phetho seo u nang le sona. Ha ke tsebe monna eo, ha ke eso ’mone bophelong ba ka. Re basele. Empa ho lokile. Hobaneng? O amile Ntho.

<sup>214</sup> Na u kholisehile? [Phutheho e re, “Amen.”—Mohl.] Na u kholisehile hoba Molimo o boloka Lentsoe la Hae? [“Amen.”] Haeba u kholisehile, ba bakae ba lōna ba hlokang?

<sup>215</sup> Joale, ehlide, joaloka ha mosali a ne a nahanne selibeng... Botsang batho bana. Eyang, le bue le bona, hohle moo ba...

<sup>216</sup> Ke bona e mong. E, e mong hape. Mamela, bona haeba e nepahetse kapa che. Joale Le likoloha mohaho. Moaho ’ohle

o tlotsitsoe, sebaka sohle. Ke kholisehile hoba Boteng ba Jesu Kreste bo tla folisa motho e mong le e mong mona.

<sup>217</sup> Na le uena u kholisehile ka ho tšoana? U kholisehilke hoba ke u bolella 'Nete? Molimo o netefatsa hoba ke le bolella 'Nete? Ha ho le joalo, ke u laela ho ema ka maoto a hau 'me u amohele pholiso ea hau, ka Lebitso la Jesu Kreste. Haeba u kholisehile, phahamisetsa matsoho a hau holimo ho Eena, 'me u Mo rorise.

<sup>218</sup> Ntate ea Leholidong, Moea o Halalelang, tlatsa moaho ona. Ba kholisehile hore Satane o hlōtsoe.

<sup>219</sup> Ka Lebitso la Jesu Kreste, Satane, tsoa sebakeng sena mona. Re kholisehile hoba bona ke Boteng ba Jesu Kreste mona. 'Me e tla etsoa. Amen. 

62-0610E Ho Kholiseha Le Ho Tsotella  
Aberdeen High School  
Aberdeen, North Carolina U.S.A.

SOUTH SOTHO

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Temoso Ea Tokelo Ea Qopitsos**

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

**VOICE OF GOD RECORDINGS**

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)